

栢城縣志

柘城縣志目錄

卷一

聖制

輿地志

原始
河渠
物產

沿革
古蹟

疆域
陵墓

都鄙
風俗

卷二

建置志

城池
街坊
祠宇

公署
津梁
寺觀

倉庫
堡砦
郵政

鋪司
祠祀

職官志

官制
教諭

知縣
訓導

主簿
名宦

典史

賦役志

戶口

田賦

差徭

學校志

學制
書院

祀典
義學

學田

卷三

選舉志

薦辟
武進士
封贈

進士
武舉
廢襲

舉人
例貢
監生

附舊志新志不再入

貢生
例授

軍政志

營汛
武功

武備
兵革

武弁
武職附

人物志一

仕宦

卷四

人物志二

儒林
孝友

篤行
忠節

文苑

卷五

人物志三 義行流厲

隱逸

耆壽 附舊志鄉飲

藝術

卷六

列女志 節孝烈女

烈節孝女

孝婦賢母

貞女

卷七

藝文志一 綸章

奏疏

記

卷八

藝文志二 序說

頌議

贊書

論引

辯疏

卷九

藝文志三

傳

題跋

詩

賦

卷十

藝文志四

墓誌銘

墓表

祭文

書籍志

經

史

子

集

雜著

雜志

災祥

識餘

輜城縣志卷二

建置志

城池 公署 倉庫 鋪司 街坊 津梁
堡砦 祠祀 祠宇 寺觀 郵政

城池

舊城相傳爲朱襄氏故墟週十一里高二丈餘闊一丈
八尺池闊如之北城土堅水漲則外高而內下成化
年間圯十三年知縣甄儒修之正德六年寇劉六等
爲亂署縣同知韓補修之十一年知縣胡世忠嘉靖
二年于濠四年高舉十二年王讚十五年艾景賢十
七年馮鉞各修葺之城門東曰瞻魯南曰永安西曰

仰京北曰長樂皆有樓女牆則以甄二十年黃河決
夾流雙注城內民居官署殆盡相率僦居南關民舍
者數年

新城卽今城嘉靖三十三年築蓋懲土寇師尙詔之亂
睢州知州于文徵知縣姜壽改南關而城之週四里
高二丈闊一丈餘外鑿隍周而深一丈闊三丈爲門
四東曰迎煦南曰嚮明西曰望汴北曰拱辰爲戍樓
四水門一舊在南門東
現在南門西公私衙署粗備矣四十四年
兵備董文案因睢民曹貢叛督知縣劉田重修角樓

四易女牆以馱士民樂輸公私無損也萬曆十一年知縣馮榛重修東西二門爲敵臺又爲警鋪十五爲蛾眉甬道於隍壘馱爲橋四觀益壯矣崇禎九年知縣馬鳴玉同邑人杜齊芳劉心乾創修馱城改南門外向巽曰寅陽鑿隍深之十五年城復毀於寇十六年知縣宋用溱因舊壘修之

國朝順治十四年知縣張繹復修建城樓四門各一敵樓十二梁口九百九十七弔橋四康熙二十八年北城圯於水知縣史鑑捐貲修葺北門橋亦圯并新之

四門之外重建木坊額題彈丸雉堞胥完好焉嗣後
歷任知縣動公費修補乾隆二十八年知縣周夢龍
同邑人捐修

按舊志云舊城雖廢遺趾尙存土剛堅固足禦水患
沉河水自西北來新城實賴以保障新城土弱易頽
卒不可守若更輒發舊
城亦一勞永逸之計也

柘之城自乾隆二十八年邑令周夢龍倡修後九十
年來士民賴以保障至咸豐四年粵寇皖匪迭次竄
擾城傾圮弗能守五年春邑令王元緒抵任巡視憂
之適有亳匪之警乃商之邑紳竇鉢等捐白金千二

百兩以爲倡紳商感動爭出貲得錢千七百緡又於
城側掘祠宇之荒廢者集輒三十萬有奇遴公正者
董其役刻日興工六閱月凡樓櫓濠池一一告蕪迄
今歷數十年城垣漸傾濠池漸塞急宜修濬以復前
規

柘舊有古隄舊城隄城南渦河北宏治閒尙有其趾後
淤萬曆三十一年知縣趙孔教因水患創築新護城
隄崇禎十一年知縣郭光先接築之爲副城十五年
春袁寇攻潰七月黃河決復衝沒焉嘉慶二十年知

縣張範東率紳竇玉璞張廷梅王寶德築

公署

縣治昔在舊城中洪武元年知縣王智建正德六年知

縣高舉重修

見府志

嘉靖二十年淪於水儼居南門右

民舍者數載三十三年知縣姜壽徙治於新城東門市物街北外爲照壁爲大門爲儀門旁爲角門中爲

御箴亭爲愛民堂後爲中堂東爲幕廳爲六房爲公

廨前左爲土地祠寅賓館西爲箭道今改爲倉廩後

爲內宅康熙三十年知縣史鑑修乾隆三十六年知

縣李志魯重修

行署舊城有布政司按察司府館俱知縣胡世忠建嗣
沒於水嘉靖三十三年知縣姜壽改建行署於新城
市物街外爲照壁爲正門旁爲角門中爲貞肅堂旁
爲耳房爲門子抄案房後爲穿廊又後爲上房爲東
書吏房爲西廚房爲西上廚房爲後涼亭公館一在
襄集內爲正廳爲耳房爲後廳爲大門爲二門萬曆六
年知縣揭袞建今俱廢

旌善亭 申明亭在縣治東廢

典史署在縣署東乾隆三十六年典史莫龍官重修

陰陽學在縣署東

一所三間今查丈東西二丈四尺四寸南北一丈八尺

醫學在縣署西

一所一間南北原一丈七尺東西一丈三尺今查東邊尙餘六尺

僧會司在白塔寺廢

道會司在三清觀廢

以上舊志

倉庫

庫樓

一間在穿堂左署印
睢州州判鮑尙伊建

鑾駕庫

一間在正堂右

架閣庫

一間在正堂右

社倉

在城隍廟今廢

預備倉

在縣署正堂左久圯
知縣史鑑重建今廢

常平倉草廠一

在縣治街北生員王衍慶捐基地今廢

常平倉十三座

在舊察院前計三十六間現存倉五座
共二十二間外倉神祠二間門樓一間

看倉草房四間查丈地南寬二十二步中長六十步
北寬三十步成地六畝零五分南至郭紹思周繼緒

大路北至王振起程占先牆外五尺西至譚金銘郭長太郭喜成姬龍昆牆外五尺東至杜方舟坑中

又常平倉七座

在縣署大門東爲舊迎賓館所改計二十一間今兩院并門樓九間捕班移住

又常平倉八座

在縣署宅東邊舊箭道所改計二十一間今廢

義倉三座

在縣署照牆南路西原房七間今存草房六間前段東西寬各三丈六尺中長五丈五尺

後段東西寬各一丈八尺中長二丈一尺南至何萬倉西至邵立信北至王位東至大路中心

鋪司

驛遞自奉裁止留馬八匹馬夫四名損夫五名康熙十
四年又奉文工料銀裁四留六康熙二十年奉 詔
准復二分馬八匹歲支料草銀一百四十四兩馬夫
四名歲支工食銀六十四兩八錢損夫五名歲支工
食銀八十兩鞍屨銀三兩五錢

雍正六年奉裁留馬四匹馬遞夫七名歲支工料銀三
百二十三兩九錢遇閏加銀二十六兩七錢

乾隆二十四年奉撥直隸驛馬二匹裁留馬二匹馬遞

夫六名歲支工料銀一百三十四兩九錢五分遇閏
照例加增

鋪舍有總鋪在縣治前其城內巡警凡八分立四關其

城外之鋪有六曰楚臺鋪

慈聖集北

褚岡鋪

吳家集東

甄橋鋪

仵陽鋪遠襄鋪雙廟鋪鋪司兵十七名警鋪則保甲

輪流夜巡

按驛遞邑之重務國朝著爲令官自喂養誠卹民
之至也官受其勞民享其逸固民所頂戴而祝頌者
也萬歷五年以前按院巡行陳宋道出鹿邑偶因知
縣揭袞與巡方有故援請行柘鹿邑乘隙賄匿故道
致成定規柘小民貧殆不可支萬歷四十五年知縣
程道康力申請鹿邑協濟已有成規崇禎七年知縣

馬鳴玉復諭耆老李元和等赴兩臺告訴宿苦安平
集李原集俱係鹿境不便供給夫馬中火蒙批鹿邑
供應協濟夫馬中火仍令立石界上永久遵行順治
五年以江南諸省銀鞘經過絡繹柘邑素少夫役又
乏錢糧且路僻地荒恐有疏虞知縣白登明具詳江
南部院總督馬蒙批以後俱由驛站大路行不得復
由徑路著爲定規是舉也不獨柘人免累並
令鹿邑蒙福仁人之言其利溥哉俱舊志

街坊

舊城湮於水久矣聞諸父老有所謂茶樓諸街今在煙波中不可復問止餘南北街居民寥寥數家於蒲葦汀沙之間而已今新城內外分布街道十四則自嘉靖三十四年知縣姜壽始

通正街

南門至縣署

長樂街

北門至南城

市物街

東門至衙署

獅子街

西門至長樂

東集賢街

北門東

西集賢街

北門西二街即舊城南關

東順城街

北抵集賢南抵順城

南順城街

東抵順城西抵芙蓉巷

西街

北抵西關南抵順城

建置志

街坊

永甯街 西門南

多士街 縣學之中南通井兒街

霑化街 學前

丁字街 二城隍廟左右

西順城街 西門北

小街 市物街南

又東西南三關街東井街雲路街裕後街

義惠街 書院至長樂街新增

桂林坊 在儒學

雲路坊 在儒學

都憲坊 為尙書軒輓立

進士坊 為進士梁偉立

雙鳳坊 正統庚午為曹本魏文立

成名坊 為舉人曹聰立

甲科坊 為進士楊睿立

世科坊 為舉人梁槩立

折桂坊

爲舉人劉永立

世英坊

爲舉人曹進善立

鄉貢坊二

爲舉人曹本丁閏各立

愛養栽成坊二

在縣左右

以上諸坊見舊志今廢

竇容端妻梁氏節孝坊

在順城街今廢

楊眉妻崔氏節孝坊

雍正三年建嶺子楊莊

劉元昌繼妻張氏節孝坊

建在遠襄集

生員王永振妻竇氏節烈坊

在城東十二里陳家集西北乾隆七年奉旌立

王珩妻劉氏妾朱氏節孝坊

在城西北五里四所樓王康熙四十四年奉旌立

梁玉傑妻陳氏節孝坊

在城東南八里梁家灣乾隆三十三年奉旌立

楊廷試妻田氏節孝坊

立
在城東六里

竇玉杓妻王氏節孝坊

乾隆五十七年
建城內獅子街

劉鎧妻史氏節孝坊

嘉慶元年建洪
恩集西北里許

李雍淇妻郭氏節孝坊

嘉慶四年建
洪恩集北街

王鳳來妻霍氏節孝坊

道光十二年
建大梁集南

竇鎔妻呂氏節孝坊

光緒八年
建長樂街

津梁

李灘店橋

城西北三十里木橋

張家橋

城西北二十五里木橋

濟瀆池橋

城西十五里久圯乾隆三十四年邑人王臣貢倡修其子生員效孔因父年九十餘不任

勞糾柳伯勳等募修年餘告成道光元年王朝楨倡修

廣濟橋

城西五里官路要衝係黃河故道壬午黃河泛漲橋梁盡壞順治九年生員魏時振倡修舊名

李家橋

康熙二十三年邑令閔英瑞同邑紳魏琬倡修更名大官橋四十四年邑令連肖先後倡修乾隆

三十七年邑令李志魯又倡修有碑記載藝文志

百花橋

廣濟橋東半里許

沙河橋

與廣濟橋相連
沙河從此入惠

張家橋

城南七里木橋

王秀寺橋

城南七里久圯生員任維緒遵父孝廉君
堯遺命倡修之前任邑令周夢龍重修

甄橋

在本城南黃惠二流皆由此橋入鹿乾隆三
十七年宋登魁獨力修宋家屯甄橋五孔

王家口橋

城東南二十五里王
化遠爲首修理木橋

以上係惠濟河橋梁

張家橋

甯柘交界城
西北四十里

金家橋

城西北三
十五里

韓家橋

城西北三
十二里

慈濟橋

一在慈聖集東北一在慈聖集東里許
千總許耿陽倡修在城西北三十里

朱家橋

城西北十六里

李家橋

城西北十里

辛家橋

城北六里

北大橋

舊城北門外一名通汴橋

東大橋

東關

三里橋

城東南三里卽許灣橋光緒五年毛紳傳臨莊等重修

通宋橋

城東北二里道光元年李光國重修甃砌五孔

以上係老黃河橋梁

李家橋

城東北十五里

太平溝橋

城東北二十里大伴集西南隅御史高玠創道光緒十一年監生高超賢等重修

明淨溝橋

城東北二十七里

楊家橋

城東北三十八里

周家橋

城東北四十里

以上赴府路橋梁

圮橋

城東北七里相傳爲張子房進履處見府志

今按張良遇老人墜履處在江南下邳縣詳見本傳舊注相傳云云自繫附會

周家橋

城西北十八里順治六年周姓糾首創修

遠襄橋

城北三十里耆民陳天保首修之

白家渡

城西北三十里

陳鐸渡

城東北七里

李仲渡

城西南二里

楊章渡

城東南二十里

梁公渡

城南十里

趙林橋

城東北十三里係八里營老溝橋未詳何時建

大仵集東頭橋

城東北二十里光緒十年李西有等倡修

謝堂東頭橋

城東三十五里道光二十四年生員曹莪等倡修

花家橋

城西北二十五里光緒七年蔡春嶺李鳳林李文彬等創修甄砌

程溜橋

城西北二十三里光緒五年李效思創修甄砌

王新橋

城西十六里光緒三年王靜修創修甄砌

靈官橋

西關隄外赴陳汝通衢
萬曆二十四年創修

許關帝廟前橋

城東二十七里同治十
二年王心田等創修

太平溝橋二

城東二十里高家堂
廟東二橋相離里許

余家橋

城東四十
里古橋

永安橋

城西南八里張橋咸
豐八年張嗣騫創修

八里營橋

城北二十里李寨西南
光緒十年李占鼇創修

石家橋

城東南四十里李寨東南太平溝
橋光緒五年耆民張學禮等重修

常家橋

城東十八里太平溝
橋光緒十一年募修

太平溝橋

城東二十里柿黃集寨東光緒十一年
李鳳嶺余萬華王永太賈景和等募修

劉屯東橋

城西北四十里劉玉白建

翟家橋

城西北三十二里光緒九年翟生平創修甃砌

堡砦 增

城東

共十
四堡

忠義堡

在東關咸豐六年宋士彥築周
圍五百四十四丈門四濠一

邢寨

坐明臺寺地方城東十里本莊咸豐十一年監生
邢潤生員侯光遠築周圍三百五十四丈門三濠

德仁堡

坐明臺寺地方城東十五里李集同治二年王
塑等築周圍三百二十八丈東西兩門濠一

永安堡

坐明臺寺地方城東十五里陳集咸豐十一
年劉興榮等築周圍三百六十丈門三濠一

平安堡

坐南關地方城東南二十里許大莊同治五年
許紹卜等築周圍二百八十丈門三濠一

中和堡

坐明臺寺地方城東二十里柿黃集同治元年
王秉納余潮生等築周圍三百九十六丈門二

石城系示

卷七

建置志

七

堡砦

濠

義成堡

坐起臺寺地方城東三十里本集同治元年李頌敬韓淵龍築周圍七百二十丈門五濠一

人和堡

坐洪恩集地方城東三十五里李察明崇禎間李姓舊寨遺跡猶存咸豐七年韓文炳彭殿華

劉銑韓金印等修之周圍五百六十丈敵樓六座門三濠二

安良堡

坐壽峯寺地方城東北二十五里大梁集咸豐十一年王德華王天錫修周圍四百二十七丈

門四濠一

護耕堡

坐老王集地方城東北三十五里本集咸豐十一年王基等築周圍四百丈門四濠二

安仁堡

坐件家集地方城東北二十里本集咸豐九年軍功許康正監生高浹築周圍七百二十丈門

六濠

二

胡襄堡

坐本集地方城東北三十里咸豐九年魏金臺劉克言朱金魁陳東魯修周圍七百八十丈門

四濠

二

武勝堡

坐胡襄集地方城東三十里趙樓莊咸豐九年趙吉賢趙禹賢等築周圍三百九十七丈門二

濠

一

扳營口寨

坐扈集地方城東北四十里本莊咸豐九年王夔龍等築周圍三百五十八丈門二濠一

城西

共十九堡

西關堡

咸豐六年張智王連元等修周圍三里許門四濠一

錫福堡

坐心悶寺地方城西南十里張塌堆莊咸豐十一年魏步堂張玉安修周圍三百五十丈門二

濠

二

安懷堡

坐山臺寺地方城西十五里孫樓莊咸豐十年生員孫考理孫燦章修周圍五百九十六丈門

三濠

銅濠鐵壘寨

坐山臺寺地方城西十五里李中口莊同治五年李法舟李金鏗修周圍三百丈門

二濠

太陽堡

坐山臺寺地方城西二十里袁樓莊同治五年袁超凡袁乾元修周圍五百四十二丈門三濠二

太和堡

坐山臺寺地方城西二十里梁集咸豐十年武生梁殿邦等修周圍四百六十五丈門四濠二

惠陽堡

坐雙廟集地方城西十五里門樓王莊咸豐五年縣丞王連社王習彤修周圍九百五十丈

門四

濠二

雍和堡

坐雙廟集地方城西北十八里本集咸豐九年武舉朱貫甲修周圍三百七十丈門二濠二

三義堡

坐李灘店地方城西二十五里張橋同治元年張萬成王金門築周圍四百七十丈門三濠二

義聚堡

坐黑里寺地方城西北三十里本集咸豐八年劉德學李懷之用甄修周圍三百二十四丈門

三濠

蓮花堡

坐霸岡集地方城西三十里本集同治元年王德鈞王應魁等築周圍九百六十四丈門四濠

二

天保寨

坐李灘店地方城西三十五里劉福久莊咸豐十一年劉西猷劉淋築周圍四百六十丈門二

濠

二

昇平堡

坐李灘店地方城西三十五里劉雙菴莊咸豐十一年劉椿一劉在鼎築周圍五百三十丈門

三濠

二

太和堡

坐褚岡寺地方城西北三十里劉橋莊咸豐十一年劉聖清劉聖泗築周圍二百八十五丈門

二濠

成城堡

坐褚岡寺地方城西北四十里王樓莊咸豐十年王介石王效梅築周圍二百四十丈門二濠

二

公建堡

坐雙廟集地方城西北八里馮堂同治元年增生馮繼長監生馮繼儒築周圍三百六十丈門

三濠

中和堡

坐八里營地方城西北二十里雷屯莊咸豐十年董銳王柱築周圍三百丈門二濠二

慈聖堡

坐本集地方城西北三十五里咸豐九年張萬清等築周圍八百丈門四濠二

仁義堡

坐小吳集地方城西北四十五里本集同治元年監生李應選張連城等築周圍四百五十丈

門四
濠二

城南

共三
堡

盟心堡

坐北豐集地方城南七里張橋莊咸豐十年張紹閔築周圍三百二十丈門二濠二

安居堡

坐南關地方城東南十里梁灣莊同治元年梁鶴立等築周圍三百丈門二濠一

志成堡

坐南關地方城東南二十五里郭草樓莊咸豐八年郭燦等築周圍三百八十八丈門三濠二

城北

共二十
二堡

同仁堡

坐曹堂地方城北八里姚關帝廟同治元年姚長雅築周圍四百八十八丈門二濠二

義成堡

坐八里營地方城北十里王樓莊同治元年千總王石龍築周圍三百九十八丈門三濠二

萬和寨

坐牛園集地方城北十五里本集同治元年曹作楫廩生何逾才築周圍二百八十八丈門二濠

義合寨

坐李鐵集地方城北十五里本集同治元年吳玉振吳清林築周圍三百六十丈門四濠一

義和寨

坐馬力坡地方城北三十五里廳堂咸豐九年趙雲瑞築周圍三百丈門二濠一

同義堡

坐八里營地方城西北二十里宋屯莊咸豐十年千總宋貫甲武舉宋雲同築門三濠二

同議寨

坐曹堂地方城東北二十里岳集咸豐十年劉鑑等築周圍四百丈門二濠二

力成堡

坐開荒店地方城東北四十里本集咸豐八年梁汝礪等築周圍二百一十丈門四濠一

復成寨

坐索垵堆地方城北二十里本集同治元年孟超羣等築周圍四百二十丈門三濠二

天成寨

坐索垵堆地方城北三十里馬集同治元年馬廷侯馬建侯築周圍四百三十五丈門三濠二

高八寨

坐李鐵集地方城北三十里本集同治元年高青雲等築周圍三百六十丈門三濠二

志和寨

坐索壩堆地方城北三十里馬樓同治元年馬懷璞築周圍四百三十丈門二濠二

天泰寨

坐遠襄集地方城北三十里本集咸豐十年從九鄧應林武生陳守典築周圍九百六十丈門

二 四濠

義和堡

坐曹堂地方城東北十五里宋集同治元年杜鑑等築周圍三里門二濠一

鳴謙寨

坐馬力坡地方城北三十五里周店咸豐九年趙連魁築周圍三百五十丈門二濠一

仁和堡

坐八里營地方城北二十里陳樓咸豐九年陳青太築周圍四百丈門二濠二

永安寨

坐八里營地方城北二十里李莊咸豐九年武生李占鼇武舉李安邦築周圍四百丈門二濠

二

太安寨

坐東曹寺地方城北二十五里王寨咸豐十一年王世金等築周圍五百七十丈門二濠三

古

城

系

志

卷

二

建置

志

卷

二

建置

志

卷

二

建置

志

卷

二

建置

志

虎陳寨

坐東曹寺地方城西北三十五里明崇禎間陳英畧創修咸豐九年陳懷瑾陳元愷復修周圍

四百八十丈

門四濠二

中和堡

坐尙寨地方城西北三十五里榮堂咸豐十年張心端張心寬等築周圍三百五十八丈門二

濠二

三合寨

坐會河路地方城西北四十五里代口集咸豐三年郝永欽陳學有築周圍四百八十丈門二

濠二

六合寨

坐胡襄集地方城東北三十五里安莊咸豐九年安廷弼葛傳珍築周圍二百八十五丈門二

濠二

祠祀

社稷壇

昔在舊城西門久廢後建新城西南雍正十一年增建壇垣乾隆三十五年知縣李志魯修歲

以春秋仲月上戊日致祭

風雲雷雨山川壇

在城南雍正十一年增建壇垣歲以春秋仲月上戊日致祭

先農壇

在東關雍正五年奉文建前置藉田四畝九分乾隆三十五年知縣李志魯修歲以仲春亥日

致祭行九推禮其田坐落東寨門外北寬十六步南寬十七步中長七十步成地四畝八分一釐二毫五

絲西至徐占元東至高鵬程北至天齊廟地南至趙福申光緒十八年知縣元查丈

邑厲壇

向在舊城北門外歲以清明節七月望十月朔祀之而頌其惠於養濟院之孤貧者

附里社壇

明初設里社之壇於各里其祀物取諸百家之約會以祈豐報成也今儀節誓詞雖

廢而鄉間賽禱所在猶有行之者椎牛伐鼓襍鄉

陳於前父老餒餘盡歡而罷亦猶古之遺夫

厲壇明初有鄉厲之祭其日與邑厲同而制如里

里人且不聞其名矣見舊志

八蜡祠舊在城東三里乾隆間知縣張鵬九建在城內

日司嗇曰農曰郵表畷曰

貓虎曰防曰水墉曰昆蟲

關帝廟在南門東順城街嘉靖間建崇禎十年知縣郭

一年知縣連肖先率紳士重修邑人王應昌作記康熙四十

甲率紳士重修道光十五年知縣景順重修王萬年

督工光緒元年閏邑重修歲以春秋仲月上戊日及

五月十三日致祭於斯廟其餘城市村落所在多有

不能悉載而舊志所載南門裏東街北一舊城

中一霸岡遠襄輒橋慈聖起臺各一其最著也

關帝三代廟

在殿後雍正元年追封關帝三代爲公爵新立廟歲以春秋仲月上戊日致祭

城隍廟

昔在舊城縣治西南關洪武三年知縣王智建宏治三年知縣王顯宗重建正德十三年知縣

胡世忠重修門廊殿宇頗備嘉靖二十一年圯於水

二十四年知縣姜壽建於新城計地五畝三分一釐

歷官督民張世傑金章崔天錫徐槩等相續重修萬

曆二十年知縣李鼎重修天啓六年知縣丁遂重修

崇禎十二年知縣郭光先重修康熙十二年知縣金

階陞重修康熙三十七年知縣史鑑重修咸豐八年

知縣呂贊陽重修范秀林等監工每歲清明節七月

望日十月朔日迎神致祭光緒十五年知縣許成忠

置香火地三十畝有碑記通稟上憲 奏請

御賜扁額曰赫聲濯靈加封號曰襄靖光緒十六年

知縣元淮書

並置神牌

朱襄氏廟

向缺順治十三年知縣張釋創修於舊城內歲時致祭乾隆三十七年知縣李志魯倡修

濟瀆池廟

在柘城西十五里濟瀆池禱雨輒應池僅方丈餘旱則有司率吏民往祀焉見舊志並碑

記光緒十五年知縣許成忠稟上憲

奏請

御賜扁額曰安流錫慶加封號曰利濟十六年知縣

元淮書並置神牌光緒十八年經首事王靜波朱寶忠等集資二百餘緡續修大殿東官廳西教房鐘鼓

樓戲樓

等處

劉猛將軍廟

附祀八蜡祠

火神廟

在東集賢街係古祠每歲六月致祭又城內外多有

旗纛廟

在教場每歲霜降日致祭今廢

馬王廟

在大堂西每歲六月致祭

天齊廟

在東關

土地廟

在縣治儀門東每歲春秋上戊日致祭

英烈祠

在通正街祀明陳聞詩

節孝祠

在學宮東忠義祠前雍正六年奉 敕建每歲春秋仲月隨丁致祭光緒十一年祠壞木主殘

缺知

縣余嘉穀移建文昌宮於聖廟東改文昌宮爲

節孝祠

儒學教諭萬鈺訓導侯鼎臣修閣邑貞女烈

女節孝

節烈孝女孝婦六木主統祀祠中十六年訓

導許振

案延邑紳牛瑞麟等詳查姓氏修木主二百

八十四

位

復祀之

祠宇

伏羲廟

在南關
東今廢

玉皇廟

城西南關起臺慈
聖諸集多有之

河神廟

在城
西關

東嶽廟

在東北鄙康熙間
建邑人王露有記

真武廟

城東關二西關一城內二舊城外各
一其在西關者生員魏時振重修

三皇廟

原在舊城見通志久
廢今在南關東又廢

三官廟

在城
西關

蠶姑廟

在甄橋
集北

旗竿廟

在周家店東

關岳廟

在西集賢街邑人周庠建地一畝一分五釐按廟始自元明計神樓一間山門一間年久漸圯

邑人皮夢周重修添

南北醮房各二間

程朱祠

在城東北八里封翰林竇大任生員謝承烈李克威倡建今廢

陳公祠

祀明知縣陳湖在通宋橋東水患圯

梁公祠

祀明知縣梁文燧久圯

連公祠

祀國朝知縣連肖先在西門內今廢

義惠祠

在舊察院東祀明給諫杜齊芳

竇筠峯先生祠

在東關舊屏山前

陳水部祠

在舊城朱襄氏廟後祀
主事陳天清今圯僅一碑屹然

國朝

朱陽寶夫子祠

在城東關路北祀
國朝檢討寶克勤

寺觀 文明塔附

白塔寺

河南通志載昔在舊城縣東宋大觀五年僧會朗建元末兵燬明洪武三年置僧會司於內正

統二年僧淨龍修成化十六年僧圓果重修現一統志嘉靖二十一年圯於水隆慶二年僧會曉募民邢

伯良等修今在新城東

關廟宇傾圯基址尙存

心悶寺

在心悶城唐節度使張鎬命名宋靖康年間改名昭慶寺明嘉靖年間僧化重修順治七年又

修

大覺寺

在縣西北大覺窪大德二年僧惟那建元末兵燬明正統元年僧法清重修見河南通志

華嚴寺

在周家店西南古刹也明成化間僧了幻募修嘉靖二十一年圯於水萬曆十一年邑人余僉

重修甯陵給事喬引撰碑記康熙元年義民宋宗儒重修施地五畝舊志又載係生員余恒獨力修

黃臺寺

在作家集東

曲岡寺

在遠襄集東

山臺寺

在雙廟集西南

明臺寺

在柿黃集南

朱堦寺

在城東十里明建上有朱襄陵見河南通志

起臺寺

在本集北

買臣寺

在起臺集南

遠襄寺

在本集西明萬曆十年余僉修甯陵進士胡大化撰碑記現存

東曹寺

在縣西北三十里

藏里寺

在城北二十里昔項羽藏兵於此見河南通志

東照寺

在雙廟集北

西照寺

在霸岡集東

黑里寺

在縣西霸岡集南

雲蓋寺

在敷橋集南

明淨寺

在胡襄集南

普照寺

在甄橋集南

李本寺

在城南九里

王秀寺

在城南七里

芍藥寺

在城西十五里

李堦寺

在胡襄集北

清岡寺

在城北三十里

玉皇寺

在尙家寨

褚岡寺

在小吳家集西

回龍寺

在尙家寨東北

壽峯寺

在起臺集北。翻自有唐後圯於萬曆四十年。邑人李漢章胡文選集貲重修有碑。

慈聖寺

在本集東北

涿城寺

在起臺集東北

開荒寺

在城北三十五里明宏治八年指揮使趙英建立道光三年趙天喜重修

天慶寺

在城西北舊碑所載康熙五十年劉廣初郭三科呂登科宋四德等重修嗣後監生蘇有萬

等又修

觀音寺

在縣東北作家集明正統十年建明周岸有詩見河南通志

三清觀

昔在舊城隍廟西南明洪武置道會司於內明末水圯移附城隍廟

吳家觀音堂

在城東南三十里近鹿邑界

按寺觀祀典所不載而雲中浮圖天外梵音禪林佛火羽士黃冠亦點綴邑之勝致者也今所存寺觀僅有其名全無金碧之飾亦無經典之藏矣

王馬寺

城東十里今訛爲王莽寺莽始爲漢大司馬繼爲安漢公稱假稱攝卽真均無來柘之事

附文明塔

文明塔

在城東南里許光緒十二年邑令余嘉穀建塔地兩段南段買韓相賓地五分零八毫南寬七

步一尺五寸北寬同西長二十步東長十三步二尺北段買王太廣三尖地一畝一分七釐八毫中長二十四步三尺東寬二十三步東至毛續地西至宋耀先地南至韓相賓地北至毛錫永地

郵政

養濟院

舊在南關正德十二年知縣胡世忠修新城因重修之在今城內北順城街光緒十七年知縣

元淮撥款邑人牛蔚起陳懷冉曹崇錫朱玉瑄等督修草房四間門樓一間並原存二間共七間南北寬各十步中長二十四步成地一畝四分東至火神廟北至渦河涯南至大路西至小衛衛每名月給錢二百有妻倍之歿與棺葬

義冢

今併入普濟堂

普濟堂

在北關內堂屋三間門樓一座草房四十間雍正十一年巡撫王士俊奏請創建今移城內東

順城街基趾東西各寬二十四步中長二十四步成地二畝四分北至陳瑞祥南至大坑西至李敬東至大街咸豐七年知縣陳督紳重修勒石計房四十間至光緒十七年僅存其半知縣元淮撥款督紳牛蔚起曹崇錫朱玉瑄陳懷冉等修葺後堂屋三間西屋三間南屋二間前東屋二間瓦門樓一間共十一間

並舊存共二十一間按舊志雍正年間邑紳捐輸銀二百六十一兩五錢六分發當以二分行息又捐地九頃七十八畝八分七釐三毫每年征租銀一百三十二兩三錢八分四釐嗣遭兵燹銀款無存僅存地畝有三莊頭張呈祥李廷賓王連升分佃各種每畝按六月十月納稞自一百至一百五十一百八十二百二百二十價凡五等莊頭按畝除飯食錢三十文光緒十九年知縣元淮查丈有四至量實數目清冊

存卷

漏澤園二

一在舊城東南郭外爲修新城掩廢一在新城東民施萬厯元年知縣張獻可查撥侵占

築垣立石
有記今廢

十方院二

鄭萬邦丁周
各施今廢

惠民藥局

舊在縣
城今廢

義冢二十區

按舊志所載七處有知縣秦監置買三區在東南西隄口外有姜祿范堯共施二區

在城西曹繡施五畝在城南周庠施四畝在城西北又民施一畝六釐在城西又較場前一處無畝數較場北一處一畝二分歷年已久現存之區不能指實何在即舊志所載之區就今查丈地塊除北關無義冢外其東南西三關悉挨次載入

東關

東寬西窄三尖地一畝二分五釐坐落東關南寨門外邊中長二十步東寬三十步南至高鵬程北

至李松石東至高鵬程西至張廷昇○西長東短地二段共六畝五分四釐三毫七絲坐落東關寨東南角半里許短畛南寬九步三尺北寬八步二尺中長三十步長畛南寬二十三步北寬二十八步中長五十一步南至高朋年北至李成林西至李成林東至王卓立○西寬東窄斜角地一畝二分五釐坐落東關東北寨門外東寬六步西寬二十四步中長二十步南至邢鳳彩北至天齊廟地西至張青雲東至泰

山廟地○長短并斜角地七段共地三十一畝四分
二釐二毫九絲內分迤東長畛一段南寬二十一
二尺北寬二十一尺東長十步西長十二步又
貼西長畛地一段南寬九步北寬十二步三尺西長
三十一步二尺東長三十步又貼西長畛地一段南
寬三十步北寬十步中長六十七步又貼西上府斜
大路南涯斜角地一段東寬五十一步南長七十四
步大路北涯斜角地一段西長七十五步三尺北寬
七十二步二尺又貼西長畛地一段南十二步北十
二步二尺中長四十六步三尺又貼斜路南涯地一
段南寬十七步北寬十八步西長十八步東長二十
三步統南至春廠廟西至春廠廟地北至邢鳳彩東
至宋太詹以上

東關共計十一段

南關

南北畛一段地二畝二分七釐五毫坐落南隄口
外路東南寬十三步北寬十五步中長三十九步
北至土隄南至耿耆年西至王孟賢東至王欣○東
西畛一段地三畝一分五釐坐落南關東南河北涯

距城二里東西寬各十八步中長四十二步東至南
北大路西至張永清南至牛鴻業北至毛綱○東西
畛一段地二畝四分七釐三毫坐落南關西南距城
一里東寬二十二步西寬二十步二尺中長二十八
步東至白衣堂廟地西至王樞南至趙考山北至鄭
德中○南北畛一段地二畝四分零八毫坐落南關
西南距城一里南寬二十一一步北寬十三步中長三
十四步東至李春芳西至何廷祿南至景玉圻北至
白衣堂廟地○東西畛前後兩段共地五畝七分零
四毫坐落南隄外內分迤西一塊東寬二十三步西
寬十五步中長三十一一步相連迤東一塊東寬十七
步西寬二十三步中長三十九步統東至吳江漢西
至吳金標南至張金錫北至
老隄 以上南關共計六段

西關

西北角挨南老隄地六畝五分一釐七毫東寬二
十二步西寬二十四步中長六十八步東至老城

隄西至小隄南至徐夔義北至劉國才地身內南北
微斜大路一條○西北距城三里許地四畝一分二

釐五毫南寬三十二步北寬三十四步中長三十步
東至李俊西至閣成吉南至宋國清北至徐班地身
內西北至東南斜大路一條○一段地一畝五分七
釐五毫坐落大王廟西南角東寬二十步西寬二十
二步中長十八步東至祖師廟地西至邵恭平南至
官路北至邵恭道地南涯有東西大路一條○大王
廟南地一畝四分南寬十三步北寬十五步中長二
十四步東至大路西至劉學崑南至劉學朋北至鮑
鎮周地東涯有南北路一條○大王廟正南距城一
里許地五畝八分五釐南寬十五步北寬二十四步
中長七十二步東至大路西至邵建恭南至楊春山
北至邵相輔地身東涯有南北大路一條 以上西
關共計
五段

計東南西三關義冢大小長短畸零不等共地二十二
段均分勘丈釘界以垂久遠

備賑義田

共地八十畝在城東十里青堦店前睢陳道副使翟知縣杜知言捐俸置每畝徵租銀五

分五釐共徵租銀四兩四錢解交本道衙門自道缺奉裁知縣閔英瑞收充賑濟康熙二十九年蒙撫院閻咨部准部行知每年徵收租課存貯縣庫備賑饑民今湮沒無考

職官志

官制
教諭

知縣
訓導

主簿
名宦

典史

官制

秦有柘公漢縣萬戶以上爲令不滿萬戶爲長丞各一人無簿尉大縣二小縣一唐縣分上中下縣中下亦置丞簿尉宋亦倣之而無差等元柘有簿

明知縣一員主簿一員卽裁典史一員教諭一員訓導一員陰陽訓術一員統陰陽生五名醫學訓科一員僧會司僧會一員道會司道會一員吏戶禮兵刑工六房各司吏一名典史一名鋪長司吏一

名承發司架閣庫各典吏一名儒學司吏一名

國朝因之初無武弁雍正八年設外委一員駐劄於柘
咸豐九年置歸德鎮添設把總一員

題名

知縣

秦

稱公

今按漢書百官公卿表縣令長皆秦官並無稱公之文王武稱柘公殆如楚之葉公

以縣尹而僭稱與

直書秦稱公無據

王

武

見前漢書灌嬰傳補

東漢

稱長

許
名失傳見水
經注詳名宦

唐稱令

李能
隴西人天寶十三年立石頌德
李仲華
隴西人天寶十三年任詳名宦

元
稱尹別置達魯花赤一員

孫旭
嘉平人皇慶元年任詳名宦
劉承事
赤單人延祐三年任詳名宦

劉德新
洛水人至正間任詳名宦
成天民
至正間出訓導陞

明稱知縣

王智
洪武元年任詳名宦
梁祖榮
高要人永樂間任詳名宦

周宏
宣德間任詳名宦

蕭溥
湖廣人

呂敬

湖廣人

潘賢

北直人

李林

北直人

朱佐

成化二年任
詳名宦

趙敬

北直人

甄儒

山東人

張萱

山東人

王顯宗

山東人

宋玘

山東人

王翊

北直人

王淵

山東人
以上宏治年任

高舉

益都監生
正德四年任
詳名宦

李仁

山西人

武文

北直人
正德年任

于濠

山東人

任順

南直人

李一貫

湖廣人

康周

三十九年任

劉田

南直人嘉靖年任

郭紀

山西澤州人嘉靖十年任

王瓚

直隸鳳陽人嘉靖十二年任

艾景賢

山東壽張人嘉靖十四年任

陳善變

湖廣應城人嘉靖十七年任

趙昌齡

廣陵歲貢嘉靖十七年任詳名宦

馮鉞

保定舉人嘉靖二十年任詳名宦

王希佐

貴州龍里衛人嘉靖二十三年任

連璧

直隸常熟人嘉靖二十四年任

王世禎

山東館陶人嘉靖三十一年任

姜壽

廣濟舉人嘉靖三十二年任詳名宦

李一陽

宜良舉人嘉靖三十九年任詳名宦

賈東山

山西人隆慶元年任詳名宦

王惟精

直隸人

李應和

山東人隆慶元年任

胡世忠

北京錦衣衛舉人隆慶間任

陳湖

曹縣舉人隆慶五年任詳名宦

張獻可

獲鹿舉人萬曆元年任

王邦彥

長垣人恩貢
萬曆五年署

揭袞

南昌舉人萬
曆五年任

潘夢獲

鳳陽人選貢
萬曆七年任

馮榛

濬縣人萬曆十
年任詳名宦

劉作民

東明人萬曆十
四年任詳名宦

朱登庸

陝西人拔貢萬
曆十九年任

李鼎

山陰人萬曆二
十年任詳名宦

梁文煜

陝西人萬
曆間任

陳思誠

丹衛人選貢萬
曆二十三年任

沈校

杭州人萬曆
二十五年任

王希龍

崞縣人萬曆二十
六年任詳名宦

趙孔教

蒲州人萬曆
二十八年任

汪得時

選貢萬曆三十
一年署

楊溥

澤州人萬曆
三十一年任

邱獻可

舉人萬曆三十
一年署

魏巍

沁州人選貢萬
曆三十二年任

張四聰

舉人萬曆三十
三年署

呂逢周

選貢萬曆三十
四年署

徐學益

宿州舉人萬曆三十五年任

何廷俊

平陽人選貢萬曆三十六年署

于進善

固安舉人萬曆三十六年任

楊名

豐縣人萬曆三十八年任詳名宦

梁文暉

靖邊所人萬曆三十八年任詳名宦

杜知言

米脂人恩貢萬曆四十二年任

吳以諒

甯陽人選貢萬曆四十二年署

程道康

歙縣人萬曆四十五年任詳名宦

喬如陵

鄆陽人選貢萬曆四十五年署

王楫

泰安人萬曆四十七年任詳名宦

胡相

臨清人貢士天啟元年任

王昌

富順舉人天啟二年任

丁逢

新安舉人天啟四年任

劉芳聲

東明人貢士崇禎元年任

馬鳴玉

武功人崇禎四年任詳名宦

左逢源

唐縣舉人崇禎九年任

李堯年

莘陽人貢生崇禎十年任

郭光先

饒陽人貢生崇禎十二年任

朱之儒

臨淄舉人崇禎十三年任

朱用濠

兗州人歲貢崇禎十四年任

國朝

縣稱知

秦鑑

高陽人順治二年任詳名宦

王衷惺

忻州人恩貢順治三年任

白登明

滿洲人順治五年任詳名宦

李毓英

富平人順治十一年署

劉之俊

襄陵舉人順治十一年任

張繹

大名舉人順治十二年任修縣志

濮棻

嘉興拔貢順治十六年任

尹正始

吳縣人廩生康熙五年任

盧世臣

蒲州舉人康熙七年任

李貺

潛江舉人康熙十年任

金階陞

海甯人貢生康熙十三年任詳名宦

閔英瑞

廣甯人康熙十七年任

史鑑

仁和人康熙二十七年任詳名宦

連肖先

正黃旗人康熙三十一年任詳名宦

竇世琦

廣順舉人康熙五十五年任

邵世昌

深州人貢生雍正五年任

程秉禮

籍貫失考

師承聖

安肅舉人雍正六年任

程錫琮

六安人雍正七年任詳名宦

趙思拙

閬中舉人雍正十年任

黃孕昌

永春人進士雍正十一年任

陸宏棧

武進人貢生雍正十二年任

袁儒忠

宛平人進士乾隆五年任

馬日煊

鑲紅旗人監生乾隆五年署

徐繩甲

烏程舉人乾隆六年任

鄒懋恆

麻城舉人乾隆八年任

石恆

如皋人監生乾隆九年任

石之憲

會稽人監生乾隆十四年署

張崑

三原人進士乾隆十四年任

周作枚

蕭山人拔貢乾隆十五年署

邱應璩

滋陽人乾隆十五年任詳名宦

張鵬九

畢節人進士乾隆二十一年任

舒世泰

正黃旗舉人乾隆二十四年署

胡具樸

容城人乾隆二十四年任詳名宦

胡天昇

太谷人貢生乾隆二十六年署

周夢龍

大興人監生乾隆二十六年任

湯大奎

武進人進士乾隆三十一年任

周普潮

吳縣舉人乾隆三十二年署

張銘

南城舉人乾隆三十四年署

李志魯

安吉舉人乾隆三十五年任修縣志

張仁智

嘉慶間任

周階

福建進士嘉慶十五年任詳名宦

張範東

進士嘉慶間任

楊廷嘉

進士嘉慶間任

周聯登

永春舉人道光元年任詳名宦

富成

道光間任

景順

道光三年任

吳

道光七年署

徐

道光八年署

王濬生

道光九年任

韓潮

平湖進士道光二十年署

張元成

太谷舉人道光二十一年任詳名宦

羅景鄂

福建漳浦人道光二十五年署

張延齡

山陰人道光二十五年署

呂贊陽

江蘇常州人道光二十七年任

郭文焯

舉人道光三十年署

葉慶暄

仁和舉人咸豐元年署

師長怡

韓城人咸豐元年任詳名宦

祝塏

陝西進士咸豐三年任詳名宦

王綬林

舉人咸豐四年署

王元緒

山東沂州拔貢咸豐五年任詳名宦

陳桂林

順天宛平人咸豐六年署

張冲魁

山西保德舉人咸豐七年署

趙曉

浙江歸安人咸豐七年任

周廣德

江蘇丹徒人咸豐十年署

謝國輔

廣西宣化人咸豐十年任

恆志

漢軍正藍旗人同治元年任

陳基亮

浙江山陰人同治四年任

余錦淮

順天宛平進士同治四年署詳名宦

鍾承堂

廣西進士同治六年任

丁鳳年

山東日照進士同治九年任

陳學灝

湖北安陸人同治十年任

張埏

順天大興人同治十一年任

張玠

直隸豐潤進士光緒元年任

何書紳

安徽霍邱人光緒元年代理

王伯方

山東福山優貢光緒二年任

項爾福

浙江仁和人光緒五年任詳名宦

杜信義

直隸永年人光緒七年代理

溫德懋

直隸正定人光緒七年署

余嘉穀

浙江諸暨人光緒七年任詳名宦

李藩

光緒十二年代理

單履謙

浙江山陰人光緒十二年署

英惠

正藍旗人光緒十三年代理

許成忠

江蘇武進監生光緒十四年署

陳鋆

安徽宿松監生光緒十五年署

尤大鎮

湖南保靖拔貢光緒十五年代理

元

淮

南城拔貢光緒十六年任詳名宦

王

枚

歸安人睢州知州光緒十九年兼攝

楊清魁

直隸清苑進士光緒十九年代理

傅鍾浚

浙江山陰人光緒二十年任

郭

藻

江西廬陵舉人光緒二十一年署

傅鍾浚

二十一年調署考城二十二年回任

主簿

元初設
後卽裁

元

樊

僊

唐元人至正年
間任詳名宦

典史

明

柳仲安

天順間任

白鶴

天順間任

母儀

澤州人成化三年任

孫恭

山西人宏治三年任

黃堂

日照人宏治六年任

張茂

開喜人宏治十五年任詳名宦

陳秀

蒲州人宏治十七年任

張得山

保定府人正德四年任

溫和

石城人正德七年任

楊龍

文安人嘉靖二年任

強恩

三原人嘉靖七年任

金勝宗

南昌人嘉靖三十五年任

周召

太倉人隆慶元年任詳名宦

沈應龍

錢塘人隆慶四年任

水靜

隆慶
年任

李贊弼

巴陵人
萬曆元年任

朱鳳儀

無錫人
萬曆五年任

董宗堯

曹縣人
萬曆七年任

張子良

錢塘人
萬曆十年任

劉存仁

恩縣人
萬曆十一年任

夏友儒

餘姚人
萬曆十四年任

白玉

五河人
萬曆十五年任

張國正

灤城人
萬曆十七年任

王苞

萬曆十九年任

葛思明

高淳人
萬曆二十四年任

唐堯明

含山人
萬曆二十五年任

李應春

江都人
萬曆二十七年任

詹啓新

晉江人
萬曆二十八年任

劉惟敦

義烏人
萬曆三十二年任

谷元昆

盧江人
萬曆三十六年任

廉尙賢

沅陵人
萬曆三十八年任

譚鯤

曲江人
萬曆四十一年任

朱啓元

沅陵人萬曆四十三年任

謝藻

福建人萬曆四十五年任

陳繼祚

晉江人萬曆四十七年任

陳一桂

北京人天啓元年任

夏日亨

大冶人天啓二年任

馮永爵

山西人天啓四年任

錢守正

浙江人崇禎元年任

戴君寵

鎮江人崇禎五年任

高應元

北京人崇禎七年任

張師游

陝西人崇禎十二年任

段文耀

陝西人崇禎十三年任

國朝

張大文

富平人順治二年任

王學禮

山陰人順治十六年任

萬景沂

大興人康熙十三年任

段成章

忻州人康熙十九年任

曹一峯

青陽人康熙二十五年任

陳有佐

鎮海人康熙二十九年任

趙之相

順天人康熙三十九年任

曹作楫

順天人康熙五十二年任

劉國興

山西人雍正二年任

陳顯武

甯波人雍正十年任詳名宦

陸國鈺

上元人乾隆十四年任

琴書

上元人乾隆十五年任

董謙

山西人乾隆十六年任

周大樸

吳縣人乾隆十七年任

黃覲龍

衡山人乾隆二十二年任

張可儀

巴州人乾隆二十八年任

朱經國

吉安人乾隆二十九年任

莫龍官

山陰人乾隆三十三年任

陳良弼

嘉慶十七年任

王之瀚

咸豐元年任

曹士淳

順天大興人咸豐九年任

胡遇清

安徽黟縣人咸豐十年任

俞嵩齡

順天宛平人
同治五年任

趙湘

浙江山陰人
同治五年任

龔立成

直隸天津人
同治五年任

李鏗

直隸天津人
同治六年任

陸保信

江蘇吳縣人
同治八年任

徐標金

江蘇銅山人
同治八年任

王以敬

山東聊城人
同治九年任

張思詠

浙江會稽人
光緒六年署

鹿鳴皋

直隸定興人
同治十一年署

蔣鎔

浙江山陰人
光緒六年署

吳藩

湖北江夏人
光緒六年署

賀錫鏡

直隸武強人
光緒七年任

王文藻

安徽懷甯人
光緒八年任

李光裕

湖北黃梅人
光緒十年任

道傳經

順天大興人
光緒十一年任

趙長佑

山東曹縣人
光緒十一年任

金釗

順天大興人
光緒十二年任

江兆銘

福建同縣人
光緒十七年代理

教諭

明

徐津

餘姚人正統間任

徐英

侯官舉人成化間任詳名宦

譚旻

青陽人宏治間任

彭麟

石首舉人宏治五年任

丁瑀

蒲城人宏治十六年任

潘連

仁和人正德六年任

姚珣

三原人正德十一年任

李文安

建安人嘉靖三年任

卞鳳儀

宜賓人嘉靖十二年任

張怡

開州人嘉靖十三年任

歐陽梧

江夏舉人嘉靖十三年任

王相

博興人嘉靖十七年任

周國材

蕪陽人嘉靖二十二年任

粘成光

武邑人嘉靖二十四年任

許溥

樂安人嘉靖三十年任

壽

濂

蘄州人嘉靖三十一年任

周應得

松陽人嘉靖三十五年任詳名宦

余

祉

羅田人嘉靖四十年任

李一陽

四川人嘉靖四十五年任

陳國謨

鷓澤人隆慶元年任

張見周

威縣人隆慶五年任

傅應詔

平度州人萬曆三年任

艾如蘭

沈邱人萬曆七年任

周郃

監利舉人萬曆十一年任詳名宦

鍾敏

富州舉人萬曆十四年任

孟承乾

虹縣人歲貢萬曆十九年任

薄民賦

淇縣人歲貢萬曆二十二年任

楊有成

夏縣舉人萬曆二十五年任

李岐周

四川人選貢萬曆二十七年任

曹宗殷

蒲州人歲貢萬曆二十八年任

朱維翰

寶豐人歲貢萬曆二十九年任

胡維岳

臨桂舉人萬曆三十二年任

張善政

商城人歲貢萬
歷三十五年任

董

倣

浙川人恩貢萬
歷三十九年任

牛光溥

臨潁人歲貢萬
歷四十年任

徐一貫

莒州人歲貢萬
歷四十三年任

張雲桂

鳳陽人歲貢萬
歷四十四年任

章可成

河州人貢生萬
歷四十七年任

王光翰

涇陽人貢生
天啓二年任

侯之屏

尉氏人貢生
天啓四年任

趙汝升

修武人貢生
天啓六年任

耿國瑞

延津舉人崇
禎元年任

王升

沁水人貢生
崇禎八年任

張守素

鄭州人貢生崇
禎十二年任

國朝

王承乾

汝州人貢生
順治三年任

王冲

洛陽人貢生
順治八年任

杜啓禧

盧氏人貢生順
治十三年任

李延芳

永寧人順治
十七年任

劉繹憲

登封人康熙十年任詳名宦

傅上襄

蘭陽舉人康熙二十二年任

王維

新鄉人康熙二十七年任

湯伊知

儀封舉人康熙二十九年任

劉最

扶溝人貢生康熙三十二年任

蘇名勳

陳州人康熙四十年任

程淮

裕州人康熙四十五年任

方連

祥符舉人雍正六年任

魏本

彰德人拔貢乾隆七年任

楊樵

鄆城人乾隆二十四年任詳名宦

王永健

延津舉人乾隆十八年任終養歸三十二年補任

丁三多

嘉慶十七年任

葛萬全

道光間任

邢東斗

孟津舉人咸豐元年任

張惟一

溫縣副貢咸豐十一年任

吳青藜

河內人咸豐十一年任

李伯臨

祥符人同治元年任

馬汝駿

鄭州人同治十二年署

張炳垣

光州人同治十三年署

萬鈺

葉縣舉人同治十三年任

韓復保

汝州人增貢生光緒二十年署

毛綸

武陟人光緒二十年任

訓導

明

程鐸

成都人成化間任

邢志

井陘人宏治間任

趙金

萊蕪人宏治四年任

劉聰

濟甯人宏治五年任

吳誠

太平人宏治十二年任

孟紀

隴州人宏治十八年任

王相

沁水人正德四年任

欒準

膠州人正德四年任

丁琬

慶陽人正德四年任

王相

醴泉人正德七年任

史秉公

南樂人正德十年任

張德

昌邑人正德十四年任

路思義

日照人嘉靖元年任

曹英

甯海人嘉靖五年任

徐嵩

靜海人嘉靖六年任

羅良

上高人嘉靖九年任

王相

唐縣人嘉靖十二年任

夏啓東

繁昌人嘉靖十三年任詳名宦

王亮采

蕭縣人嘉靖十七年任

杜學珪

長沙人嘉靖十九年任

鄭梅

靈壽人嘉靖二十二年任詳名宦

蔣奇

蘇州人嘉靖三十一年任

魏應奎

渭南人嘉靖三十二年任

陶天眷

會稽人嘉靖三十四年任

安景芳

清苑人嘉靖三十四年任

馬體乾

臨淮人嘉靖三十五年任詳名宦

黨蓮

耀州人嘉靖三十八年任詳名宦

李蘭

陽和衛人嘉靖四十一年任

盛其逢

儀真人嘉靖四十四年任詳名宦

張藩

青州人隆慶元年任

徐正宗

華陰人隆慶四年任

王思惠

沂州人萬曆二年任

游儒

固始人萬
歷六年任

羅網

陳州人萬
歷十一年任

馮芹

禹州人萬
歷十一年任

井鳳翥

襄城人歲
歷十四年任

丁一仁

許州人歲
歷二十年任

李依仁

真陽人歲
歷二十六年任

賈時粟

嵩縣人歲
歷三十一年任

黃昌

臨桂人歲
歷三十五年任

楊聘用

合水人歲
歷三十九年任

班文炳

杞縣人歲
歷四十三年任

張大伸

雄縣貢生
天啓二年任

張撫邦

原武貢生
天啓六年任

張邃養

中牟貢生
崇禎元年任

張乃心

尉氏貢生
崇禎五年任

張爾芳

河內貢生
崇禎八年任

趙舉賢

胙城貢生
崇禎十一年任

吳生有

陽城貢生
崇禎十五年任

國朝

孫行恕

修武人貢生
順治三年任

金成庚

南陽人歲貢
順治八年任

全鉉節

浙川人順治十三年任
詳名宦

陳聖言

西華人歲貢
康熙四年任

張潛養

浙川人康熙七年任
詳名宦

陳鉉

密縣人康熙十九年任

張昱斗

鞏縣人康熙二十一年任
詳名宦

馬國琇

汝州人恩貢
康熙三十一年任

趙濬

遂平人歲貢
康熙三十二年任

方金錫

彰德人康熙四十四年任

梁必選

遂平人康熙四十七年任

張融

鄭州人康熙五十一年任

李溶

商水人康熙五十八年任

何謙

太康人雍正四年任
詳名宦

何謙光

太康人雍正六年任

熊啓忠

固始人雍正九年任

王作正

確山人歲貢雍正十一年任

王憲

嵩縣人歲貢乾隆六年任

張維明

陽武人貢生乾隆十九年任

羅夢鳳

禹州舉人乾隆二十六年任

王雲凌

伊陽人歲貢乾隆三十七年任

岳毓文

舉人嘉慶十七年任

馬典午

孟縣舉人道光間任

王敬熙

湯陰人咸豐五年任

宋琴堂

杞縣人咸豐九年任

蔡錫命

信陽州人同治元年任

李建陶

新安舉人同治十年署詳名宦

李正修

考城舉人同治十三年任

白玉尺

宜陽舉人光緒二年任

韓復保

汝州人增貢生光緒五年署

陳銘新

禹州舉人光緒五年任

侯鼎臣

溫縣舉人光緒十年任

李維楨

固始人光緒十四年任

許振霖

杞縣歲貢光緒十五年任

名宦

東漢

許令失其名字漢末人酈道元水經注柘縣城內有柘令許君清德頌石碎字紊惟此文見碑南州朱謀埠嘗評其上曰惟此文見碑庶幾見鬼物亦重清德而爲之呵護耶又水經注柘城西南里許有

漢陽翟令許叔臺碑光和中立

或作陽臺令許叔種碑

又有

漢故樂成陵令尉椽許嬰碑嬰字虞卿司隸校尉之子建甯六年立

別本作太尉椽

餘碑文字碎滅不復可

觀當似司隸諸碑也祀名宦

按許令見於水經注旣曰柘令又曰清德頌其爲名宦無疑矣至許叔臺許嬰雖不可定爲邑人然碑已立於城西南里許似當與柘有關涉故連類書之以俟博雅君子攷訂云

唐

李仲華字濟世隴西人天寶甲午尹柘居官廉慎不阿權勢愛民如子治柘五年百姓立碑頌其德政聲大著下邑令封利建撰文魏崇仁書惜字碎裂不可復辨矣祀名宦

元

孫旭字時升嘉平人皇慶元年任柘以興學校課農
桑爲第一義治民設施先理而後情按律而舉治
吏不能逞其奸士不敢干以私民有訟自揣不勝
者望縣門却去直者家居待報曰無庸謁吏明府
自辨此也坐堂上三年人信之如一日民間傳誦
五蹟襄甯王聞之以璽書見賜擢去百姓留之延

祐三年

中州金石攷作
皇慶三年似誤

林過撰孫公德政碑記祀

名宦

劉承事字君卿赤單人延祐三年爲柘尹首以鋤強

暴爲務學田爲世家所并追復之時有水患開溝洩放邑不爲害居二載冰操如一日至治元年立劉公頌德碑祀名宦

劉德新字時敏洛水人至正閒任柘均賦役汰吏卒革故弊歲饑發倉賑之民無轉徙復值大疫捐俸買藥全活甚衆三年陞任百姓歌思盈野至正三年忽溥化撰劉公德政碑祀名宦

埜僊字若思唐元人爲柘城簿銳意自任事有當行監尹或不從不避嫌怨必力爭辨柘境多盜設法

捕散歲歉請粟賑濟復煮粥食流民活千餘人上
官累旌異焉在任三年縣賴以治百姓立石頌德
睢州達魯花赤奴都赤撰碑記袁翼書祀名宦

明

王智洪武元年任性廉介有才能涖政公勤興舉廢
墜招集流散以實版籍時當平定之初民傷兵革
撫字惟恐失所去之日民悲號送之祀名宦

梁祖榮廣東高要人永樂年任值歲霖雨彌月教民
疏濬溝澮邑無水災民有負租者貧無以償捐俸

倡之効助者甚衆由是官無負租民不失所卒於
官民悲之祀名宦

周宏宣德年任寬厚廉謹治官如家愛民猶子禁暴
橫裁冗費邑以大治祀名宦

朱佐成化二年任柘令愛民賑饑教士遷學至今政
聲不泯祀名宦

徐英侯官舉人成化年任教諭性廉謹士風不振諄
切訓誨值學校荒頽又禮請民間有力者遷修之
後科目得人其功居多焉祀名宦

張茂聞喜人宏治十五年任典史性廉介一毫不取
隻身孤榻朝夕疏食者三年後請終養歸士民攀
轅不肯留飄然而去邑人思慕之祀名宦

高舉山東益都人監生正德四年以汝州州判陞任
性梗直有守有爲又工於修造訟平政理去日行
李蕭然民益重之祀名宦

胡世忠北京錦衣衛舉人由曹縣調柘多所建立邑
人戴之陞甯海州知州祀名宦

趙昌齡山西廣陵人歲貢嘉靖十七年由封邱丞來

尹柘折獄精敏庭無滯牘民甚便焉祀名宦

馮鉞北直隸保定舉人嘉靖二十年由涉縣補任薄賦緩刑恩威並著百姓視之如父母門吏代人以白金饋公厲色阻之自是人不敢犯居官一載卒士民哭奠罷市祀名宦

姜壽湖廣廣濟舉人富於學才堪吏治嘉靖三十二年由溫江縣補任時懲師賊亂後舊城殘缺相地遷邑城池縣署學宮分司悉由創建百廢俱興陞揚州府通判莒州知州士民至今思肇造之功焉

祀名宦

周應得浙江松陽人嘉靖三十五年任教諭勤於教
士工詩詞以縣久乏科糾士子嚴立會課與同僚
較評數年不怠後連四科得雋皆其功也陞王府
教授至今人思慕之祀名宦

夏啓東繁昌縣人任訓導精於經學課訓尤勤士多
被其澤祀名宦

鄭梅靈壽人任訓導有學行事母以孝聞卒於官人
惜之祀名宦

李一陽雲南宜良舉人初任邛州學正陞彭縣尹三十九年補任柘萬里一僕冰蘖之操始終如一陞辰州府通判蜀府長史祀名宦

賈東山山西人隆慶元年任時民病糧稅前官多知之而不能詳免及東山至毅然以民之疾苦爲己任遂詳請上官始得均田而民患始除一時咸感其德立石頌功屬鹿邑王堯日爲之記祀名宦

馬體乾臨淮人任訓導有才有學善草書勤訓多士事母至孝人尤師法焉祀名宦

黨蓮耀州人任訓導性剛正有古君子風教士有方
陞真定府教諭祀名宦

盛其逢儀真人任訓導長於詩曾纂縣志稿祀名宦
周召太倉人隆慶元年任典史雖吏員而恒以理義
自持毫不苟取陞時且却饋金是尤人所難者祀
名宦

陳湖字恕齋山東曹縣舉人隆慶五年任涖官明敏
有治才值均丈地糧以民爲心直任不辭鄰邑奸
宄結黨膚懇於府遂被劾居官僅數年調邊方都

事陞鹽運通判民德之於去後申請奉文立祠於
察院東曰陳公祠後遷建於通宋橋祀名宦

馮榛北直隸濬縣人選貢萬曆十年任公質魁梧性
剛果有冰蘖之操遇事迎刃而解威惠並行卒歸
於正毫無假借頑民畏服而善良受其福牧柘五
年政善民安上官累薦之雖沐勅封未赴行取旋
卒闔邑士民哀痛不置祀名宦

周郊貴州衛籍湖廣監利舉人萬曆十一年教諭人
品高雅學問充博有瀟灑出塵之度陞雲南縣令

祀名宦

劉作民直隸東明人恩貢萬曆十四年任陞大同通判爲政寬嚴相濟惠澤及民邑西地窪下歲被水患公順民情申上開溝召募貧民刻鑿計工程給倉穀寓賑濟一舉兩利邑民戴之曰永利溝祀名宦

李鼎山陰人歲貢萬曆二十一年任歲大饑朝廷發帑金遣官賑濟承命散帑金發倉廩躬勸輸賑稅駕鄉鎮不憚勤勞全活甚衆士民頌之勒碑以志

感祀名宦

王希龍山西崞縣人選貢萬曆二十六年任節省里
甲自奉儉約輸俸修學民戴之勒碑志德祀名宦
楊名豐縣人由貢生任本府通判萬曆三十八年署
柘矜恤孤弱多仁愛植柳護堤有古人風祀名宦
梁文燿字含字陝西靖邊所人拔貢萬曆三十八年
任清介明察剛毅敏斷臨事果於有爲力行條鞭
除里中積年大害歲省千金興利除害抑強扶弱
士民爲立祠於東南七里通衢之左廩生梁渚有

記刻石陞成都府通判未展厥才云祀名宦

程道康直隸歙縣舉人令柘學問博雅尤喜作養人
才卒於任士民惜之祀名宦

王楫字利川山東泰安州人由進士蒞任一年善聽
訟不事呵責調繁去士民謳思不已祀名宦

馬鳴玉字寅旭陝西武功人恩貢辛未年任精明勤

敏洞燭民情綜核嚴毅盡除吏弊躬餉走遞馬匹

勞悴不辭官解京邊錢糧里甲免累善政二十餘

事刻之石修城專蹟詳城池志中三年考滿陞山

西汾州府同知繼陞知府祀名宦

國朝

秦鑑高平人順治二年任時值兵燹之後鑑至善於撫綏一時流亡雲集民得安居去之日民琢石以頌之祀名宦

白登明遼東人順治中知柘城縣性仁慈操守廉潔凡走遞馬匹官衙自養歲省里中數千金加派河夫力請停減永滋民利邑人周曾作白公去思碑

記祀名宦

全鉉節浙川人訓導柘邑敦古道端方率士尤喜汲
引人材一時多所造就祀名宦

金階陞字天虞海甯人貢生康熙乙卯涖柘時正軍
需民無甯晷撫綏殘黎不事鞭扑而事事妥辦士
民德之侍郎李元振爲序以贈之見藝文志

史鑑字平泉仁和人由貢生任柘甫下車輒革從前
弊政惟勸農桑爲務盡心學校創立書院俾儒生
肄業其中文教振興開溝洫興水利卑窪多成膏
壤所輯志書至今猶取裁焉康熙二十八年祀名

宦

劉繹憲字叔續登封縣人康熙辛亥諭柘持躬教士
桀黠卓然湯潛庵先生亟稱之集中有寄劉叔續
書兩通其一載藝文志祀名宦

張潛養浙川人訓導柘邑勤於課士重修啓聖祠以
陞任去祀名宦

張昱斗鞏縣人繼潛養之後訓迪始終不怠同邑紳
士督修聖殿尤著勤節祀名宦

連肖先號東州正黃旗人康熙辛巳以舉人令柘甫

下車剔奸弊肅綱紀咨詢民間利病柘多水患單
騎馳驅田間相度原隰廣開溝渠巡視督勸無間
寒暑歲歉奉檄賑濟四境宴然柘學額窄詳請升
學得比於中學例性瀟灑公餘喜臨池尤好與文
士往還多所成就任十六載丙申擢朔州牧去士
民思之爲建祠以祀之官至長蘆鹽院祀名宦

何謙字伯吉太康人雍正四年選柘城訓導甫任事
卽起文會生童至者五十餘人伯吉誨以爲學大
義臚列朱子學規及泌陽條約十數則勸令生童

諭告四鄉家立家長族立族長鄉立鄉長一人不
道家長治之家長不道族長治之族長不道鄉長
治之鄉長不道衆鳴官治之更令學者嚴朔望之
儀謹晨昏之節能行此二者方可與言學一時士

風民俗咸丕變焉

余天孚採敬
義堂年譜補

程錫琮字虛中六安人進士雍正七年涖柘城下車
卽課士擇其文藝之可造就者爲學社日講貫之
於貧士尤屬意資其廩餼文風爲之丕變一時發
科甲者多出其門治民務以德感不事苛察遇民

之桀驁者先訓教之不悛然後加刑罰故受其責者亦不怨焉蒞任三年教化淪浹無吏擾獄之桎梏一經明堂詢讞便自謂不齒於人刑措之風庶無愧云報最第一調繁去去之日攀轅祖餞者數萬人垂泣不忍別送至郡者猶數百人云祀名宦

邱應琢滋陽人已未科進士乾隆十五年令柘城精明穎悟人莫能欺邑中之有利可興有害可除者無不次第修舉嘗謂父子兄弟罪不相及若使隣

里鄉黨無故株連豈父母斯民意哉遇人命盜案只坐本身其無情實者卽爲釋放尤留心訟獄隨事發落吏不得逞其奸民不得滋其誕卽僞妄者亦莫不畏其摘抉也邑遂大治未幾卒於任士民至今猶惜之祀名宦

胡具樸容城人由拔貢教習任柘城性慈愛視民如子每逢朔望與民講法諄諄然喻以孝弟忠信語涉淺近總期家喻戶曉雖婦人女子亦使知忠愛之義至於兩家構訟不差役拘訊卽以原告喚被

告同赴卽質審亦不設官店日多一役卽多一累
少一日卽少一費也如涉睚眦之怨爲之反復開
諭令其感悟而後已於錢糧催科原差滾單一概
不用設櫃後於大堂設盃酒有急公向義者賞酒
三盃以示鼓勵由是聞風相勸爭先恐後未屆七
月已盡埽前欠從未責及一人亦從來所未見也
厯任年餘以丁外艱歸邑人聞之設奠陳祭者日
數千人衙署履滿有一至再至者及遣士民郊送
絡繹五六十里不絕祀名宦

楊樵字寄南郟城人以副車任柘城教諭以學校爲己任嘗曰身範不端烏能正士習乎故一舉一動莫不謹嚴自持卽與門人晉接必衣冠整飭危坐終日無倦容於寒士尤加栽植性最儉署中蕭然一僕一馬僅足自給歷八載致仕歸祀名宦

陳顯武字烈公慈谿人任柘邑典史蒞任初以清保甲嚴緝捕爲務竊匪斂迹民賴以安乾隆四年黃河決歸屬各派夫築隄武督柘民五百赴工所加意護持饑寒者濟以衣食疾病者飲以湯藥工竣

民無亡者及歸咸感其德八年柘境生蝻武率衆撲滅之雅撫臺贈以詩又疏惠濟河督工河上與民同辛勤任十三年以老致仕士民勒石以記祀

名宦

以上舊志

周階平閩人以進士卽用知縣嘉慶十五年涖柘慎刑罰興養立教以清廉自守官箴嚴肅吏不擾而

民安

採訪公舉

周聯登字春臺福建永春人嘉慶庚申舉人道光元年春令柘甫下車考風問俗興利除害旬日之間

民大悅端士習崇文教朔望集諸生講說經義文
風日振刊

聖諭廣訓徧頒鄉塾會黃水漫溢民氣凋殘公深仁撫
字有輟車頗累民立革之適境內大疫刊方施藥
所活甚衆禱雨輒應五年夏飛蝗集城北移時去
禾稼無損人驚以爲神比歲大熟雙歧之麥連理
之木兩見於城南豐樂村焉公餘著敬事編兢兢
以實心行實政罷官後寓柘二年始歸邑人士歌
咏其德因顏其寓舍曰召棠留蔭

採訪
公舉

張元成字象山山西籍順天舉人來治縣蒞事明決
尤以作育人材爲己任捐廉月課親加筆削生童
受教益良多高樸亭十一歲應童子試尤器重之
留署課讀杜義惠祠歲久傾頽捐廉修葺李貞孟
墓中石器半溺土泥中急捐廉重爲位置高荆襄
出纂集收其散失代梓行世餘見重修文廟碑記

陞任浙川廳去現祀清官廳

皮夢
周採

師長怡字藹卿陝西韓城人咸豐元年令栢明察果
斷釐剔弊端善聽訟得其情胥吏輒咋舌一時奸

宄屏迹無敢逞時復與太康令柴以官箴相切劘

任一年擢去至今柘人猶誦之

張連登採

祝塏字爽亭陝西人道光丁未進士咸豐三年任柘

下車首擊強暴時賴辜捻匪蜂起頻肆焚掠興民

團派練總禦賊於境民賴以安值歲饑設粥廠賑

濟全活甚衆凡利民之事知無不爲厲卓薦擢去

士民遮道請留不能得歷任太康光州歸德府旋

游陞大名道署直隸臬篆

張連登採

王元緒字善長山東沂州拔貢咸豐五年任柘值皖

捻猖獗柘城惡捐俸倡修與士民同勞苦六閱月
告蕺縣署圯亦修葺之歲饑設廠施食民鮮流亡
旋去任父老感泣攀轅祖餞數千人有送至郡城

乃返者

張連
登採

余錦淮字妙泉順天宛平進士同治四年任柘政尙

清簡署中月兩課親加筆削士子多所成就性嗜

菊多異種時人謂美媼河陽時暴雨大注西北河

水沖隄民房半就傾坍親率人連夜興築捐廉給

賞水患以息人尤德之

皮夢
周採

李建陶字甄菴新安人道光己亥舉人同治十年署
柘城訓導性儉約捐俸修學署不少愆甫蒞任卽
立學規勤訓迪柘自道光乙未 恩科王訥獲雋

後數十年無繼起者公司鐸二載癸酉韓鎮周舉

於鄉丁丑成進士乙亥 恩科高樸亭又中秋魁

皆賴其教以成之也

張連登採

項爾福字霞軒杭州仁和縣人寄籍直隸大興縣光
緒五年任廉潔自持待士有禮撫民若赤數年之
中刑無濫及法無枉曲且時值歲歉屢捐廉賑濟

適上憲委員在潁亳採買豆穀往賑省西請留雜糧百餘石以濟窮乏民尤德之又諭城關五十四堡各積穀以備凶荒事未竣因公赴省卒於道訃聞士民洶洶如失所依嗣扶柩歸里民肩靈輿送出境香煙冥鏹焚燒數十里不絕現祀清官廳

皮夢

周採訪

余嘉穀字穉薌浙江諸暨縣人光緒九年任柘明敏有政事才奉檄疏通闔邑在志溝河親履督役一載始竣念柘科名久寂改修文昌閣奎星樓建文

明塔於郭東南所費鉅割俸金爲之倡乃按畝捐
納人皆樂輸不數月得錢六千餘緡而工以歲書
院號舍狹隘皆增修之並設義學數處時往課其
功任三年調署滑邑送行有泣者祖餞盈野至今

士民猶諷思焉

採訪
公舉

元淮字岱北江西南城縣人同治癸酉選拔光緒十
六年任柘立保甲巡柝寒宵盜賊悉斂迹有蝗自
西南來公虔禱於神蝗不入境明年蝗又至邑東
鄙帥民撲捕蝻孽無遺復諭四鄉立義倉興修水

利縣東北溝渠多淤澇則傷稼督民濬治之居官
廉而能明不辭勞瘁甫及三年歿於任士民爲之
出涕櫬南歸爭相輓送哀聲震野越六七十里不
絕有遺愛碑見藝文志碑立大堂西

採訪
公舉

賦役志

戶口

田賦

差徭

戶口

前代無冊籍可稽未詳故僅從舊志所載錄入以備參考

明

洪武二十四年編審四百六十戶七千二百四十口

嘉靖二十四年編審五百八十九戶一萬七千五百

口

萬曆十五年編審一千五百四十戶一萬七千八百

四十七口

國朝

順治十四年編審人丁五千七百九十六丁

康熙五十二年五月十六日欽奉

恩詔內開海宇承平日久戶口日繁地畝並未加廣宜
施寬大之恩共享恬熙之樂嗣後直隸各地方官
編審之期察出增益人丁止將實數另造清冊奏
聞其徵收錢糧但據康熙五十年丁冊定爲常額
續生人丁永不加賦欽遵在案

見通志

原額人丁一萬一千五百四十丁內除紳衿應免本
年本身人丁一百九十丁每丁派銀三分免去丁

銀五兩七錢實在人丁一萬一千三百五十丁共

派丁銀三百四十兩五錢

見史舊志

雍正四年九月初二日巡撫田文鏡題爲詳請題明豫省丁糧按地輸納以均賦役事奉

旨以各邑丁糧均派於各邑地糧之內無論紳衿富戶不分等則一例輸將以昭畫一以垂永久統於雍正五年爲始攤入地糧內徵收欽遵在案

乾隆三十一年編審人丁一萬一千八百一十九丁
內除新舊滋生戶口人丁二百六十五丁欽奉

恩詔永不加賦現在徵賦人丁一萬一千五百五十四
丁每丁派銀三分共派丁銀三百四十六兩六錢
二分

乾隆三十七年奉

上諭據李瀚奏請停編審造冊一摺所見甚是已批交
該部議奏矣第思編審人丁舊例原因生齒繁滋
恐有漏戶避差之弊是以每屆五年查編造冊以
備考覈今丁銀既皆攤入地糧而滋生人戶又欽
遵康熙五十二年

皇祖恩旨永不加賦則五年編審不過沿襲虛文無裨
實政况各省民穀細數俱經該督撫於年底專摺
奏報戶部核實具題付之史館記載是戶口之歲
增繁盛俱可按籍而稽更無藉五年一次之另行
查辦徒滋紛擾此摺無庸交議嗣後編審之例著
永行停止將此通諭各督撫知之欽此

田賦

原管民衛地除撥歸鹿邑縣一百三十二頃三十畝五
分八釐七毫九絲九忽四微實在民衛地六千七百

七十五頃四十四畝七分七釐七毫五絲六微內除
乾隆四年歸併太康縣地一頃二十畝乾隆七年豁
除挖傷地八頃七十一畝七分一毫荒蕪地一頃五
十五畝四分四釐現在行糧熟地六千七百六十三
頃九十七畝六分三釐六毫五絲六微

民地一則

每畝連閏派銀五分六釐三毫五絲三忽零

更名地額外荒地

同

桑園廠更名地

每畝連閏派銀四分五釐三毫零

陳留更名地

每畝連閏派銀五分七釐九毫六絲九忽

額外宣武地

每畝徵銀三分三釐

歸德衛地

每畝連閭派銀二分七釐二毫八絲一忽零

睢陽衛地

原屯每畝連閭派銀三分五釐一毫八絲五忽零新增餘屯每畝連閭派銀四分四釐一

毫八絲五忽零徭役每畝連閭派銀三分三釐二毫八絲五忽零

陸端籽粒地

每畝徵銀二分七釐三毫四絲四忽零

武平衛地

原額屯地共二千三百八十頃二十八畝一分零于順治十八年歸併民田一例當差又

查睢鹿柘太屯地皆有運丁名目于乾隆二十八年准長淮衛關提赴衛駕運又因關提幫運州縣會詳

請免于三十七年蒙河南巡撫何委陳州府赫歸德府趙會勘四州縣屯懇地畝皆與民田相符詳請奉

旨照依湖廣例每畝增贍運銀一釐七毫零共增銀四

百二十二兩八錢三分零自乾隆三十八年始徵解

糧道轉解漕院分發運丁所有在幫運丁皆釋回歸農永不加運欽此附巡撫何焯陳奏

奏爲遵

旨清查原設班軍屯地酌增贍運銀兩以濟漕務事乾隆三十七年八月初二日承准軍機處抄寄漕運總督臣嘉 奏請將河南睢州鹿邑柘城太康四州縣班軍屯田照湖南班軍按畝議津銀兩以勦運務一摺奉

旨交何焯查辦欽此等因到臣該臣欽遵查得此案先准原任漕臣黃 咨河南省裁併武平衛睢州鹿邑太康柘城四州縣班軍應行輪僉出運經調任撫臣永德查明武平衛自康熙十六年裁併宿州二幫將在豫屯田併入地丁民賦徵解軍丁亦散入民籍百餘年來並無編審案據不便勾僉擾累等因咨部于乾隆三十六年七月十六日准戶部覆令細查應僉應免確據秉公妥議具奏等因到臣臣隨行據司道查明歷年江南勾扳豫省人民議定免僉成案並乾隆二十四年部議湖廣班軍免僉案據詳請一體免僉臣卽咨明江南督撫及總漕諸臣核明會奏復准漕臣嘉 咨會以湖廣班軍現有津貼銀兩豫省亦

應照湖廣加增津貼濟運並抄錄湖廣班軍議加津
貼案據移會核辦前來臣查武平衛裁併之後所有
屯田歸入亳州編徵糧餉者軍丁僉差出運仍徵津
貼銀兩其歸入河南睢州鹿邑柘城太康四州縣者
久已編徵地丁糧餉並無屯丁名目載在賦役全書
是江省軍丁例應僉運而豫省舊有軍丁久與齊民
一體當差免其僉運已屬明甚在江南追溯裁併以
前懸擬豫省猶有軍屯之名而豫省併衛百年之久
悉爲編氓不復另存軍冊軍民莫可辨別近年江省
奸丁扳誣歷經查明免發其間有新任地方官誤押
赴衛令其自行辦理致被江丁勒指在幫者迄今控
訴未定並非確鑿軍戶至漕臣錄送乾隆十四年部
議荆沔等衛班軍操軍及枝彝長遠四所軍丁應徵
津貼之案皆指現隸衛籍仍執屯業者而言若豫省
旣已無衛又無軍名與荆沔等衛所迥不相同且事
隔百年舊隸軍籍者不必仍有屯田而現有屯田者
又不必盡爲軍戶其遷移典賣法令向所不禁乃屬
事所必然未免僉應照湖廣之例而津貼又難援以

加徵况軍改民籍屯歸民賦悉係奉

旨裁定相安已久忽欲分更不得不虞滋擾此豫省所

以厯請免僉未據議徵津貼之情由也惟是亳州軍

戶既多故絕貧疲現有誤運之虞事關

天庾正供臣何敢少有歧視不亟酌籌妥辦以相濟運

且據漕臣所稱鹿邑等縣屯田雖稱納賦並無丁米

丁銀未便任其白享餘籽等語是以不得不徹底清

查酌辦均平正在督同司道遴委妥員清查間欽奉

特旨交臣查辦臣復嚴催督辦去後茲據布政使張鎮

糧儲道高趨詳據歸德府知府趙瑗陳州府知府赫

爾敬阿署陳州府通判候補同知周堦等會查得睢

州鹿邑太康柘城四州縣收併屯田頃畝賦則數目

造具清冊並體訪民情援例議請酌加贖運銀兩前

來臣查睢州鹿邑柘城太康四州縣原額收併武平

衛屯地並查出墾地及寄莊地畝通共七千二百二

十三頃零照弓地弓口折算比較賦則或與民賦相

同或有每畝多徵一分數釐之處實屬有盈無絀再

查豫省原額屯地現徵丁銀雖無漕糧其米價仍歸

正賦徵解卽與民地徵米無異載在賦役全書甚明
是丁米丁銀皆係按畝徵輸並無白享餘籽之處臣
與司道等再三酌議查屯地原爲贍運而設今雖改
歸民賦而現值僉運維艱卽量加勦助酌增運費亦
分所宜然查乾隆三年欽奉

上諭

武平衛軍田每畝加徵銀七釐三毫零內每畝應

留贍運銀一釐七毫零每畝減去加徵銀五釐五毫

零等因在案應請將睢州鹿邑柘城太康四州縣現
在查出屯墾地共七千二百二十三頃零卽照亳州
武平衛屯地加徵之例每畝加增贍運銀一釐七毫
零每年共徵銀一千二百八十三兩零現據該司道
等體察民情僉稱果免扳擾皆所樂輸請卽以矣已
年爲始飭令各該州縣核入正賦統徵分解由糧道
彙解漕臣衙門轉發宿州二幫分給現運旗丁贍運
查宿州二幫乃長淮衛所屬之一幫存船無幾既有
亳州津貼銀九百餘兩今又加增一倍有餘則駕運
自應寬裕如此辦理既於漕運有濟而豫省人民亦
尙不致辦理維艱似屬妥協再查漕臣嘉謨原奏內

稱豫省班軍照湖廣加增津貼可免胥役查僉滋擾等語今豫省既增贍運自應永禁勾僉併不許江丁誣指同伍同族捏謊私幫仍查明現在誣勒在幫之人省釋歸農以歸畫一如蒙

俞允容臣取造該州縣等屯墾各地頃畝並加增贍運

細數清冊另行題咨辦理永定章程所有臣遵

旨查辦班軍屯理酌加贍運銀兩以濟漕務緣由謹恭

摺覆奏伏祈

皇上睿鑒勅部議

覆施行謹奏

祥符縣寄莊正管好地

每畝連閏並補徵派銀五分四毫八絲九忽零

陳留縣寄莊地

每畝連閏並補徵派銀五分九釐七毫九絲二忽零

杞縣寄莊地

每畝連閏並補徵派銀四分六釐六毫六絲六忽零

原額地一千九百六十三頃三十七畝四分五釐

原額銀一萬七百三兩四錢八分九釐內除乾隆七
年十月內 撫部院雅 具題奏

旨豁免開濬惠濟河挖傷地三頃二十九畝八分六釐
二毫豁除銀一十一兩九錢九分二釐實在成熟地
一千九百六十頃二十七畝五分八釐八毫該徵銀
一萬六百九十一兩四錢九分七釐該攤派丁銀二
百四十五兩九錢四分五釐

丁地二項共銀一萬九百三十七兩四錢四分二釐

乾隆四年四月又增祥符縣寄莊行糧民田正官好地

三十八畝五分共派銀一兩八錢一分六釐該攤派
丁銀八分七釐

丁地二項共銀一兩九錢三釐又增陳留縣寄莊行
糧民田熟地一十頃二十六畝九分一釐四毫共派
銀五十八兩四錢四分一釐補徵銀二兩八錢七分
二釐該攤派丁銀四錢六分五釐

丁地二項共銀六十一兩七錢七分八釐又增杞縣
寄莊行糧民田熟地二百六頃六十三畝七毫內除

乾隆七年十月內

撫部院雅

具題奉

旨豁免開濬惠濟河挖傷地五十五畝三分二釐六毫
豁除銀二兩五錢四分六釐實在行糧地二百六頃
七畝六分八釐一毫共派銀九百二十一兩七錢二
分六釐 徵銀二十六兩四錢三釐該攤派丁銀九
兩四錢五分五釐

丁地二項共銀九百五十七兩五錢八分四釐內增
更名地九十八頃二十八畝內除 乾隆七年十月
內 撫部院雅 具題奉

旨豁除開濬惠濟河挖傷地一畝三分八釐九毫豁除

銀七分六釐實在行糧地九十八頃二十六畝六分
一釐一毫共派銀五百三十五兩九錢七分八釐又
增開封府杞縣代徵桑園廠更名地六百二十八頃
五十三畝內除荒蕪地一頃五十五畝四分四釐并
除乾隆七年十月內 撫部院雅 具題奉

旨豁除開濬惠濟河挖傷地三頃四十七畝六分六釐
三毫豁除銀一十五兩五錢五分實在行糧成熟地
六百二十三頃四十九畝八分九釐七毫共徵銀二
千七百八十八兩七錢四分三釐又增陳留縣更名

地一十頃七十四畝五分共徵銀六十一兩一錢四分九釐又增汝甯府代徵更名地三百七十一頃內除康熙三十八年奉文歸併本府屬鹿邑縣地一百三十一頃三十畝五分八釐七毫歸入該縣項下徵解外乾隆七年十月內 撫部院雅 具題奉

旨豁除開濬惠濟河挖傷地一十二畝九分六釐五毫豁除銀七錢七釐實在行糧地二百三十九頃五十六畝四分四釐七毫共徵銀一千三百六兩六錢七分四項更名地共徵銀四千六百九十二兩五錢四

分該攤派丁銀六十三兩三錢九分四釐

丁地共銀四千七百五十五兩九錢三分四釐又增原有額外屯院地五畝一分五釐

額外荒田籽粒地一十頃二十六畝四分

額外荒田小弓地五頃三十畝

額外宣武衛地四頃三十畝

四項額外荒田共徵銀八十四兩九錢九釐該攤派丁銀一兩一錢四分七釐

丁地共銀八十六兩五分六釐又增順治十六年正

月內歸德衛小弓地五頃三畝九分實徵銀一十三兩七錢四分二釐該攤派丁銀一錢八分六釐

丁地二頃共銀一十三兩九錢二分八釐又增睢陽衛屯地一千二百九頃八十五畝八分三釐原額銀三千七百九十三兩二錢三分六釐內除乾隆七年十月內 撫部院雅 具題奉

旨豁除開濬惠濟河挖傷地九畝九分二釐二毫豁除銀四錢三分八釐實在行糧地一千二百九頃七十五畝九分八毫共徵銀三千七百九十二兩七錢九

分八釐該攤派丁銀五十一兩二錢三分九釐

丁地二項共銀三千八百四十四兩三分七釐又增
武平衛原額屯地七百三十四頃四十二畝原額銀
二千二兩八錢九分四釐該攤派丁銀二十七兩五
分八釐

丁地二項共銀二千二十九兩九錢五分二釐又增
本境坐落武平衛墾地一千三百一十五頃又續查
出墾地三百三十三頃一十畝七分一釐四毫五絲
二項共地一千六百四十八頃一十畝七分一釐四

毫五絲內除乾隆七年十月內 撫部院雅具題奉

旨豁除開濬惠濟河挖傷地二頃二十四畝五分七釐
四毫豁除銀六兩一錢二分四釐實在行糧地一千
六百四十五頃八十六畝一分四釐五絲該徵銀四
千四百八十八兩五錢五分七釐該攤派丁銀六十
兩六錢三分九釐

丁地二項共銀四千五百四十九兩一錢九分六釐
以上民衛實徵共銀二萬七千三百四十九兩五錢
二分四釐內除留支等銀一千三百二十四兩五錢

五分六釐

關聖夫子祭祀銀四十兩

加增文廟祭祀銀八兩七錢九分八釐

文昌帝君祭祀銀四十兩

孤貧月糧銀三十一兩一分二釐

廩生廩糧銀五十六兩

各役工食補額銀一百八十兩八錢六分三釐

實該解司銀二萬五千五百六十七兩二錢九分五

釐

以上各條係光緒十一年十二月奉 藩憲許札發

數目以散合總銀數不符存之以紀原始

額徵丁地銀二萬七千六百七十一兩三錢五分九釐

遇閏加銀四百八十三兩八錢二分五釐

分解 糧道庫漕項銀七十四兩二錢六分二釐

分解 糧道庫贍運銀四百二十二兩八錢三分五釐

分解 河道庫河夫銀一百五十一兩六錢四分四釐

遇閏加銀九兩一錢五分六釐

分解 臬司庫裁扣銀一百八十八兩九錢五分

遇閏加銀十五兩六錢

留支四季祭祀俸工役食等銀一千二百六十六兩三錢七分三釐

遇閏加銀六十五兩八錢六分一釐

實應解司庫丁地並漕豆價銀二萬五千五百六十七兩二錢九分五釐

遇閏加銀三百九十三兩二錢三分三釐

以上各條係照縣案額徵分解留支數目光緒十八年增開載

雜賦

一活稅銀

一當稅銀

一老稅銀

一房地稅契銀

一牙帖稅銀

一酒稅銀

以上六項原無定額儘收儘解歲終報銷

積貯

常平義社穀二萬二千六百七十六石九斗二合九勺

無

漕運

正兌及閏耗等米改撥濬縣徵輸

隨漕輕賚等銀七十四兩五錢八分六釐六毫乾隆十六年歸併安陽縣代辦

柘邑運通漕糧向係運至衛輝水次交兌應辦米六百二十四石一斗九升二合七勺每正米一百石加閏耗米五石共加閏耗米二十四石九斗六升七合七勺奉文全數改辦黑豆乾隆十六年蒙河南巡撫鄂奏請奉

旨永城等十九州縣離水次寫遠改行折徵以河北安

陽等縣丁地銀內採買兌交柘邑應折徵豆價銀五百十九兩三錢二分八釐其應辦漕耗羨銀六十三兩二錢七分四釐節省耗羨銀十四兩六錢二分五釐俱照數解司均抵安陽等縣丁銀項下

以上俱照乾隆三十二年新定賦役全書

鹽引

舊志原額加增共鹽七千四百七十六引道光二十三年 奏准減引一千七百三十八道實領引五千七百三十八道與奏以前係商人安業隆恆聚興領

辦嗣因捻匪竄擾商累引懸同治六年三月經山東
巡撫丁寶楨 奏准改歸官辦山東省籌借運本委
員設局辦理

差徭增

順治三年春塞流通口柘運柳以萬計夫二百餘名四年七年夫役如之八年九年又塞河夫柳增十年塞荆隆口夫柳倍增十一年冬十月塞河運柳五萬餘經年始完每束折加至七萬餘束蓋河流至此勢愈奔潰地益下土益輒無山陵以束之無支河以洩之故頻受其害自夫柳之役興千孔百弊而民間之輸畝倍於惟正矣

康熙十一年塞河柘出夫役採柳於考城築隄經年未

就巡撫佟鳳彩 奏請夫柳官購奉

旨俞允一時士民懽呼慶再造邑人侍郎李元振作德政碑記文見藝文志

康熙四十四年築河堤除柘六州縣協柳之弊邑人翰林院竇克勤作記頌之碑立學宮前文見藝文志

見任柘城縣事徐繩甲接行前任知柘城縣事陸宏稔具詳達院孫光國請刊石以杜反側等事蒙見任知歸德府事戚振鷺接行前任知歸德府事李閻楸見任河南等處承宣布政使司趙接行前任河南等處承宣布

政使司范劄付蒙見任巡撫都察院雅接行前任巡撫
都察院尹等批據此廠係明代成化二年欽賜崇藩贍
田爲汝甯撥屬內地畝不足又外撥鹿柘連界民地一
區周圍畝數七百七十一頃坐落李原集名曰柘城莊
其地舊例小弓地一畝五分爲一畝冊地每畝徵銀三
分三釐並無雜用迨

本朝定鼎廢藩歸縣爾時地畝荒蕪舊碑毀壞鹿柘雖
分兩境廠地實共一邱又沿邊參差不齊柘邑差重鹿
邑差輕又柘邑係歸陳通衢柘邑頗多力役之徵而鹿

民則無之因此沿邊奸民將柘地報入鹿邑現有芍藥寺力士岡陳香集李中口等處可憑康熙四年間開荒成熟汝甯府委員清丈鹿邑四百頃丈出入百一十四頃零柘城三百七十一頃止丈實三百五十六頃零欲治鹿民欺隱之罪鹿民谷永翰原係兩廠總書自知情弊與鹿邑大戶

李三德劉一俊

聲稱同是一廠情願送回一百

三十一頃以鹿邑之有餘補柘城之不足在柘完糧數年於康熙四年鹿民趙國遠等有哀天委丈之呈柘邑生員祖一脈有陳白誣陷之控蒙院批汝歸二府各委

官履畝踏丈古廟河荒地土不遺如無鹿地仍多柘地
仍少理應合廠均攤布政使司徐署院事造冊達部現
今有戶部碑記可查後於康熙十七年間鹿民劉一董
等又以急救重糧等情具控蒙院憲董批歸德府轉委
糧廳丁會同兩邑印官履畝連丈二次鹿地仍多柘地
仍少蒙府憲胡查照舊案詳結後一董等仍執拗不肯
赴柘輸糧哀懇胡府憲情願在鹿邑徵收轉解柘城名
曰鹿撥柘又經二十餘年至康熙三十四年鹿民姚景
新孫敬一等復以一地二糧等情控院批府詳蒙院憲

顧批鹿柘兩邑廠地俱以小弓地一畝五分作行糧地一畝則鹿雖有撥柘之名原屬按畝均輸並無偏累况奉行二十餘年之久而姚景新等妄希翻案本應懲究姑念其年老如詳准息結案繳等因到府蒙本府盧親同鹿邑知縣馮柘城知縣史沿邊詳視會議將柘城三百七十一頃減去一百三十一頃添入鹿邑總數永斷葛藤經撫院李 具題奉

旨允行嗣於乾隆二年鹿民孔興澤等以鹿代柘完糧等情具控柘民梁惺祖思賢等以詳陳緣由乞准轉申

等情具稟蒙本府李詳稱前案審結已經七十餘年一
且紛更日勞案牘無已時也不如仍照舊案等因蒙院
憲尹批仍照舊案輸糧母容委員繳鹿邑生員孔興深
李東澤胡洽等又於乾隆四年以一地二糧懇恩提審
等情具控隨蒙本府詳蒙藩司朱批據詳數十年題達
之案孔興澤妄生覬覦輒思翻案屢瀆業經院憲批結
而生員孔興深等乃混稱一地二糧藉詞捏擾殊屬滋
事仰卽消案仍行學戒飭繳此項合將廠地始末斷案
刊刻於石乾隆七年十月十五日立

見西廠重建碑記

柘自粵匪皖捻相繼擾亂兵勇往來過境無餉可供官紳公議遇有溜單到時權資民力暫爲支應詎久而牛蠹兵差過境輸價代雇而私派浮冒之弊卽叢之車每輛索錢七千二百馬一匹索錢三千六百民力難堪生員張秋峯供事生徐金華等歷控上憲光緒三年六月蒙本府蔡會同委員方提問五班差役合監貢董學冉生員孫考理監生禹冠軍與伊質訊明確卽擬照舊章車折錢三千六百文馬一千八百文採辦部硝每車並差役飯食共折錢七千二百外票一張兵工兩房紙筆

費每車錢百文馬五十文統由各地方按票發給案定

具遵斷結備案

見書院
碑記

學校志

學制

祀典

學田

書院

義學

學制

文廟原在舊城縣治東明洪武三年詔天下郡邑建立

學校柘城卽於是年知縣王智建

見府志

成化三年知

縣朱佐因水圯徙建成化十六年知縣張萱繼修宏

治十六年知縣王翊重修正德八年知縣李仁仍遷

舊趾正德十二年知縣胡世忠重葺嘉靖十二年知

縣李一貫續修

內有講堂

嘉靖二十一年圯於水暫借城

外天仙廟祭享嘉靖三十三年知縣姜壽改建新城

東門裏街北週圍牆基南北長一百步闊五十步共
地二十畝八分爲櫺星門外爲照壁中爲泮池萬曆
十三年知縣馮榛修後廢今泮池在學宮之外南城
下不知何年修鑿久圯 國朝乾隆三十二年署知

縣周普湖重修教諭王永健訓導羅夢鳳生員竇經

李汝璜督工又內爲戟門三間旁爲角門左右中爲正殿

五爲東廡七間爲西廡七間 國朝順治三年知縣

王衷惺重修十年知縣白登明繼修康熙二十四年

知縣閔英瑞重建教諭傅上襄訓導張昱斗生員竇

大任孫又新張大武督工乾隆十八年教諭王永健
倡率紳士重修生員竇綽李果李汝墉李鴻儒督工
道光四年知縣周聯登教諭邢承德訓導岳毓文重
修王萬年陳龍彪等督工三十年知縣呂贊陽重修
武生李金鐸等監工知縣張元成撰碑記載藝文志
光緒十五年知縣陳鋆十六年知縣尤大鎮十七年
知縣元淮延邑紳士李鈞劉春和牛蔚起曹崇賜朱
玉瑄陳懷冉隨同教諭萬鈺訓導許振案督工修理
大成殿兩廡添置聖域賢關兩門並改造照壁花牆

崇聖祠舊名啓聖祠雍正三年改今名在明倫堂東嘉
靖四十五年署知縣州判鮑尙伊建 國朝康熙十
五年訓導張潛養重修

名宦祠三楹在戟門外左萬曆十二年知縣馮榛建明
末圯 國朝康熙三十四年知縣史鑑重建

鄉賢祠三楹在戟門右順治十三年拔貢王鏌建

忠義祠三楹在名宦祠前雍正六年奉 勅建

文昌祠在東門城上康熙三十三年知縣史鑑重建後
圯嘉慶十七年知縣陳仁智建於集賢街光緒十一

年知縣余嘉穀移建聖廟東咸豐十年知縣陳桂林
修城廩生孫芸因東城樓舊祀文昌請復祀之額曰
文昌閣光緒十八年閣南北牆裂幾傾其下居民覆
壓是懼因拆之移神牌新建宮內

奎星樓在文廟東南隅乾隆十二年知縣石恆重修生
員竇綽李汝墉督工光緒十一年知縣余嘉穀移建
東南隅城上

學署外爲照壁爲大門中爲明倫堂康熙三十二年知
縣史鑑重建乾隆十八年教諭王永健重修生員竇

綽李有忠督工東曰居仁齋久圯西曰由義齋久圯
後爲尊經閣乾隆二十四年知縣張鵬九重修教諭
楊樵訓導張維明生員李果李有忠督工

敬一亭在居仁齋左嘉靖七年十月頒御製敬一箴及
程氏范氏箴於天下學宮各爲亭以覆知縣李一貫
建久圯

射圃亭 在聖殿西久圯

御製匾

萬世師表

頌 康熙二十三年

生民未有

頌 雍正三年

與天地參

頌 乾隆三年

聖集大成

頌 嘉慶五年

聖協時中

頌 道光元年

德齊疇載

頌 咸豐元年

聖神天縱

頌 同治元年

斯文在茲

頌 光緒元年

右八匾敬摹刻懸廟中

教諭宅在明倫堂後共十五間嘉靖間教諭周應得建

訓導宅在明倫堂西共十二間嘉靖間訓導馬體乾建

祀典

文廟歲以春秋二仲月上丁日致祭正殿一壇四配東西各一壇康熙五十一年陞宋儒朱子乾隆三年復
聖先賢有子入大成殿配享共十二哲東西各一壇
兩廡東西各一壇

祭器

白磁爵三十六 登一 尊一 銅十二 簋三十
十 簋三十 籩一百二十二 豆一百二十二
帛篚二十四 牲俎二十九

樂器

大鼓一 搏拊一

新頒 麾一

玉磬十六 祝一

敔一 琴二 瑟一 排簫二 笙二 簫二

笛二 埙二 篪二 節一對 羽三十六

簫三十六

按祭器樂器俱係乾隆九年新頒

樂舞生

佾生三十六名

樂生三十六名

樂章

乾隆八年新頒

大哉 孔子先覺先知與天地參萬世之師祥徵

麟紱韻答金絲日月既揭乾坤清夷

右迎神咸平之章 無舞

予懷明德玉振金聲生民未有展也大成俎豆千

古春秋上丁清酒既載其香始升

右初獻甯平之章 有舞

式禮莫愆升堂再獻響協鼗鏞誠孚壘獻肅肅雍

雍譽髦斯彥禮陶樂淑相觀而善

右亞獻安平之章 有舞

自古在昔先民有作皮弁祭菜於論思樂惟天牖

民惟聖自若彝倫攸敘至今木鐸

右終獻景平之章 有舞

先師有言祭則受福四海覺宮疇敢不肅禮成告

徹毋疏毋瀆樂所自生中原有菽

右徹饌咸平之章有舞

鳧繹峩峩洙泗洋洋景行行止流澤無疆聿照祀

事祀事孔明化我蒸民育我膠庠

右送神咸平之章無舞

按春季夾鐘爲宮應鐘起調秋季南呂爲宮仲

呂起調文同不錄

崇聖祠雍正五年追封孔子五代爲王爵禮與大成殿

同祭

學田

學田六頃一十九畝

每年除錢糧解費外得租銀八十九兩一錢一分有碑記見藝

文志

書院

朱陽書院

在縣東關知縣史鑑同邑人翰林
寶克勤建有碑記見藝文志今廢

襄山書院

在城內西南隅道光八年邑令富成創建原
額文起書院同治七年貢生王永祥武蓮亭

等稟請邑令鍾承堂重修院東偏置文場數十間王
永祥議栽柏樹以爲異日續修之資邑人郡庠生王
如潮耆民馬鳴德捐栽數十株今尙存十六株焉光
緒十一年邑令余嘉穀捐廉增號房齋舍數間邑紳
牛瑞麟寶世濬等監工工竣更今名十八年邑令元
淮重修邑紳牛蔚起曹崇賜陳懷冉朱玉瑄督工

義學

義學

凡八城內一西南關各一胡襄集件家竹木慈
聖集蠶姑廟黑里寺各一知縣史鑑建舊志

文昌宮義學

在城內東街光緒八年邑令余嘉穀創立

節孝祠義學

在城內北街光緒八年邑令余嘉穀創立

大伴集義學

鄉耆王恕齋創立置地四十二畝爲膏火資歲延老宿爲師使貧子弟肄業其中恕

齋卒其後人武生王銑庠生王得祥踵而行之邑令富成額其門曰有功文教光緒十九年十月經監生

張殿華生員馬崑源重修瓦房三間草房三間門樓一間

史大莊義學

乾隆年間史希荀設立延請塾師令鄉里宗族貧乏者來學代給脩脯作養人材甚

衆里人德之邑令胡具樸額其門曰成均雅望今廢

王樓義學

同治九年王明堂設立明堂業農而酷愛讀書嘗自歎幼貧失學見貧乏子弟無脩脯貲

怒然憂之適村西有白衣堂遺址明堂墾而藝之取歲入置義學一所猶不給道光十五年王清堂徐渭

川各輪財購地三畝明堂始終經理歷二十餘年拓地幾一頃每念學田所出原始於廟遂歲劃一半爲廟中香火費一半輪於學以延館師又節其餘者於村中買地修學舍三楹俾鄉里肄業者咸棲息於其焉中

黑里寺義學

書堂三楹門樓一座光緒十二年李玉貞劉夢鶴等創修

附社學

舊城社學

原在縣治東凡八明正德十二年知縣胡世忠建圮於水見舊志今廢

新城社學

凡四一在南門之東一在城隍廟之東一在北門之南一在舊隅首之東見舊志廢

各鄉社學

凡四一在慈聖集一在霸岡集一在遠襄集見舊志今廢